



歷代名賢列女氏姓譜卷之百六

湘鄉

蕭智漢雲澤氏纂輯

男秉信明甫氏校

上聲

四紙

李氏

李德輝字仲實通州潞縣人生五歲父疾草指德輝謂家人曰吾爲吏治獄不任苛刻蒙德者衆天或報之是兒其大吾門乎既就外傅嗜學貧無以自資輒輟業年十六監泃豐州祿食足供母餘則市筆札錄書夜誦不休歎曰志士顧安此邪仕不足以匡君福民隱不足以悅親善身天地大矣人壽幾何惡可無聞同腐草木乃更求明師講習世祖在潛邸用劉秉忠薦爲侍皇子講讀世祖受京兆分

氏姓譜

卷百六

四紙

李氏

一

地釋廷臣能理財賦者俾調軍食立從宜府以德輝爲副使時汪德臣屯重兵數萬于利州扼四川襟喉規進取每苦乏輿德輝乃募民入粟綿竹散錢幣給鹽券爲直陸輓興元水漕嘉陵未期年而軍儲充羨至元初由太原路總管入爲右三部尙書皇子安西王鎮關中奏以德輝爲輔政安西王相至則視瀕涇營牧故地可得數千頃起廬舍疏溝澮假牛種田具與貧民屯田其中歲得粟麥芻藁萬計奉命以王相撫蜀時宋亡惟川蜀久不下宋制置張珪守重慶安撫王立守合州于是分建東西二川行樞密院令合丹瀾里吉思領東院攻合州丞相不花與德輝領西院攻重慶德輝至成都各遣使請方畧德輝曰宋已亡矣重慶以彈丸地不降何歸政以公輩利剽掠民不得有其子女懼而不來耳嚮者中使奉璽書來赦公等不推心置

腹反示以詐使彼叛去堅其必死之心中使不喻詐計竟以不奉明詔復命非養寇而何况軍政不一行且敗矣未幾瀘州叛重慶圍亦潰詔以德輝行西院副使事復瀘州再圍重慶尋拔之給慶南平夔施思播諸山壁水柵皆下而東川樞府猶故將也惡相屬願獨軍圍合州德輝乃出合俘繫順慶獄者縱使歸以書遺張珪曰天子威德遠播宋室旣亡三宮皆北苟能早自歸誠必取將相與夏呂比且汝之爲臣不親于宋之子孫合之爲州不大于宋之天下彼之子孫尙舉天下歸我汝猶偃然負阻窮山而曰吾終于所事不亦惑哉旣而合州遣李興張郃等偵事成都德輝獲之釋不殺復爲書縱歸使諭其將王立如諭珪者未幾立使興等懷蠟書還成都言李公能自來卽降德輝以從兵數百馳赴東川先是重慶破珪走涪州自經死至

氏姓譜

卷百六

四紙

李氏

二

是諸將皆曰公昔爲書招珪誠亦極矣而竟無功今立乃珪牙校習狙詐不信是特以計致公延命晷刻耳德輝曰重慶已下合州孤立窮而來歸亦勢所必然吾豈肯讓諸君垂成之功誠懼諸君憤其抗命快心屠城吾欲爲國活此民耳卽單舸濟江薄城下呼立出降德輝命立權安撫事知合州川蜀盡平旣而東川行院恥無功言立以抗王師且嘗指斥憲宗奏請誅立械繫長安獄將殺之會行院亦具立降附本末來上且言東川院臣憤德輝受降之故誣奏誅立帝召樞密臣責曰汝等視人命若戲邪今召王立來生則已死則汝等從之立至仍命爲合州安撫使遷或四川行省郎中魯西南彝羅施鬼國旣降復判詔滇楚四川各出兵合討將壓境德輝適被命在播馳驛止三道

兵勿進遣使諭鬼國趣降其長阿察素熟德輝名曰是活
合州李公邪卽至播州泣告謂吾屬微公來死且不降今
願以百萬人民託公事聞詔許其降改鬼國爲順元路或
譖德輝受鬼國馬千數帝曰是人朕所久知雖一羊不妄
受寧有是邪卒年六十三蠻彝聞訃哭之如私親王立自
合州袁經率吏民拜哭護喪歸興元至今播州廟祀不絕
李治字仁卿真定欒城人登金進士第辟知鈞州事州陷
治微服北渡流落忻崞間聚書環堵人所不堪處之裕如
也世祖在潛邸遣使名之問河南居官者孰賢對曰險夷
一節惟完顏仲德耳問魏徵曹彬何如對曰忠言讜論知
無不言以唐諍臣觀之徵爲第一彬伐江南未嘗妄殺一
人擬之方叔名虎可也漢之韓彭衛霍在所不論又問今
之臣有如魏徵者乎對曰今以側媚成風欲求魏徵之賢

氏姓譜

卷五

四紙

李氏

三

賢難其人又問今之人材賢否對曰天下未嘗乏材求則
得之理勢然也今儒生有如魏璠李獻卿蘭光庭趙復王
博文輩皆有用之材且皆賢王所嘗聘問者舉而用之何
所不可但恐用之不盡耳又問天下當何爲治對曰夫治
天下難則難于登天易則易于反掌蓋有法度則治循名
責實則治進君子退小人則治如是而治天下豈不易于
反掌乎且爲治之道不過立法度正紀綱而已紀綱者上
下相維持法度者賞罰示懲勸今則大官小吏下至編氓
皆自縱恣以私害公是無法度也有功者未蒙賞有罪者
未加罰甚則有功者或反受辱有罪者或反獲寵是無紀
綱也法度廢紀綱壞天下不變亂已爲幸矣又問昨地震
何如對曰天裂爲陽不足地震爲陰有餘夫地道陰也陰
太甚則變常今之地震或奸邪在側或女謁盛行或讒慝

交至或刑罰失中或征伐驟舉五者必有一于此矣夫天之愛君如愛子故示此以警之耳苟能上當天心下協人意則可轉咎爲休悉見嘉納治晚家元氏買田封龍山下學徒益衆及世祖卽位復聘至欲處之清要以老病求還山至元二年再以學士召勉就職暮月復以老病辭去卒年八十八所著有敬齋集泛說古今難各四十卷測圓海鏡一百七十問壁書彙削十二卷易古衍疑三十卷

李謙字受益鄆州東阿人始就學日記數千言作賦有聲爲東平府教授時教授無俸向歛儒戶銀備束修謙辭曰家幸非甚貧者可聚貨以自殖乎翰林學士王磐以謙名聞世祖召爲應奉翰林文字至元十八年遷左諭德侍太子真金于東宮陳十事曰正心睦親崇儉幾諫戢兵親賢尙文定律正名革弊太子薨命傅成宗于潛邸所至以謙

氏姓譜

卷五

四紙

李氏

四

自隨轉侍讀學士帝常賜坐便殿飲羣臣酒曰聞卿不飲能爲朕強之乎賜蒲萄酒一卮曰此極易醉人恐汝不勝卽令三近侍去之出以足疾辭歸東平大德六年召爲翰林學士承旨年七十一乞致仕仁宗卽位召至行在疏言九事帝嘉納遷集賢大學士歸卒于家有野齋文集行世李好文字惟中開州東明人英宗至治改元登進士第由濬州判授翰林編修官泰定中除太常博士先是太廟皆範黃金爲主每被盜竊好文言在禮神主宜刻木爲之金玉祭器宜貯別室又言祖宗建國以來凡遇大典禮率臨時取具博士不過循故事曩者有詔集禮止令各郡縣置局纂修宜其从不成也禮樂自朝廷出郡縣何有哉乃自院長選僚屬出架閣文牘資其采擇三年書成凡五十卷名太常集禮得旨頒示中外錄囚河東有王傅撒都刺以

足踣人死衆曰殺人非刃罪止杖好文曰怙勢殺人甚于刃竟抵法旋白上黨義婦寃行省爲之震動至正改元遷國子祭酒未幾拜西臺治書侍御史六年除翰林侍講學士兼祭酒詔開端本堂皇太子入學命好文以學士兼諭德好文上宰相書丞相以聞帝不允乃就職又言欲求二帝三王之道必由孔氏其書則孝經大學論語孟子中庸爲摘其要畧釋以經義更取史傳及先儒論說有關治體協經旨者加以所見做大學衍義例爲書十一卷名端本堂經訓要義帝命授太子習焉又集歷代帝王故事總百有六篇一曰聖慧如漢孝昭後漢明帝幼敏之類二曰孝友如舜文王及唐元宗友愛之類三曰恭儉如漢文帝却千里馬罷露臺之類四曰聖學如殷宗緝學及陳隋諸君不善學之類爲太子問安餘暇之助又取古史自三皇迄

氏姓譜

卷頁六

四紙

李氏

五

宋金歷代授受國祚从速治亂興廢爲書曰大寶錄復取前代帝王是非善惡所當法戒者爲書曰大寶龜鑑備錄以進久之遷翰林學士承旨屢引年乞致仕仍給一品祿終身好文爲禮儀院使

李元禮字庭訓真定人性端重燕居不妄言笑歷易州大都路教授遷太常博士撰世祖及順聖皇后尊諡議及請諡園邱升祔太室禮文多所詳定成宗元貞初拜監察御史五臺山佛寺成太后將親往祈祝元禮上疏臺臣不敢以聞其後侍御史萬僧與中丞崔彥有隙取前章封入奏曰崔中丞私比漢人李御史大言謗佛帝怒遣近臣賫其章敕丞相完澤平章不忽木鞠問完澤曰往吾亦嘗以此諫太后曰吾非喜建此寺蓋先帝嘗許爲之非汝所知也不忽木抗言曰他御史懼不肯言惟一御史敢言誠可賞

也送入奏帝沉思良久曰御史之言是乃罷萬僧復元禮職未幾改國子司業卒封隴西郡侯

李稷字孟幽潯州人幼穎敏八歲能記誦經史從父官袁州師夏鎮得春秋之傳爲名進士順帝至正初擢監察御史劾閣宦高龍卜疏入流之邊境又言御史封事須至御前開拆以防壅蔽言事官須加優擢以開諫諍之路殿中侍御史給事中起居注須任端人直士書百司日奏及帝所可否付史館以備纂修之實承天護聖寺災有旨更作稷因言頗年水旱公私交乏不宜妄興大役議遂寢帝方注意守令稷言下縣尹多從吏部銓或非其才宜併歸省選茶塩鐵課責備長吏動受刑謹何以臨民宜分委佐貳投下達魯花赤蠹政害民不當授正官帝悉可其奏五遷至戶部尙書廷議以中原租稅不實將屢畝起征稷曰方

民姓譜

卷頁六

四紙

李氏

六

今妖寇竊發民庶流亡此政一行是驅民爲盜也相臣是之尋遷治書侍御史從丞相脫脫平徐州謁告歸葬以山東廉訪使致仕卒于京追封齊國公諡文穆稷爲人孝友恭儉尤篤于鄉邨朋友之誼中丞任擇善陳思謙旣沒皆撫其遺孤人以是多之

李俊民字用章澤州人少得河南程氏之學金承安中以經義舉進士第一授應奉翰林文字未幾棄官歸以所學教授鄉里有不遠千里來者其于理學淵源冥搜隱索雖片言隻字務有根據金源南遷後隱嵩山再徙懷州俄復隱西山旣而變起倉猝人服其先知俊民在河南時隱士荆先生者授以皇極數學時知數者無出劉秉忠右亦自爲弗及世祖在藩邸以安車召至延訪無虛日遽乞還山世祖恐重違其意遣中貴護送之又嘗令張仲一問以正

祥及卽位其言始驗而俊民已死賜諡莊靜先生

李昶字士都東平須城人父世弼從外家受孫明復春秋得其宗旨金貞祐初三赴廷試不售推恩授彭城簿志抑鬱不樂復求試一夕夢在李彥勝下閣計偕士無其人時昶年十六已能文乃更名曰彥父子同赴試昶果以春秋中第二甲第二人世弼第三甲第三人父子褒貶各異時人以此向歆而世弼遂不復仕昶穎悟過人初從父入科場儕輩少之監試者遠其次舍尙察甚嚴昶下筆數千言立就釋褐授益州溫縣丞蒙古兵下河南奉親還鄉里行臺嚴實辟授都事實卒子忠濟嗣遷昶爲經歷時朝廷裁抑諸侯法制浸密忠濟縱侈自若昶以親老求解不許尋以父憂去杜門教授一時名士李謙馬絡吳衍輩皆出其門世祖伐宋次濮州聞昶名各見問治國用兵之要昶論

氏姓譜

卷六

四紙

李氏

七

治國則以用賢立法務本清源爲對論用兵則以伐罪救民不嗜殺爲對深見嘉納及卽位名至開平訪以國事昶知無不言時徵需煩重行省科稅賦雖逋戶不貧昶移書時相省府從其言得蠲逋戶賦中統二年春丙難平昶上表賀因進諷諫帝稱善久之嘗燕處望見昶輒歛容曰李秀才至矣特授翰林侍講學士行東平路總管軍民同議官昶條十二事剷除宿弊至元年罷同議官昶謝事家居五年起爲吏禮二部尙書凡議大政宰相必延置上座傾聽其說姦臣阿合馬進用昶卽請老歸丞相安童奏徵之不赴八年起山東東西道按察使旋致仕卒年八十七昶嘗集春秋諸家說折衷之曰春秋左氏遺意二十卷早年讀語孟見先儒之失考訂成編及得朱氏張氏解往往脗合其書遂不復出獨取孟子舊說新說矛盾者參考歸

一附以已見爲孟子權衡遺說五卷

李廉江西安福人元末登進士爲隆興路錄事日則署公
事夜則課諸生著春秋諸傳會通廉後尹信豐紉巾地至
擁鄉兵守城城陷與其子敬同遇害邑人立雙節祠祀焉
李之韶字伯宗東平平陰人幼從李謙學家貧教授鄉里
學者咸集會修世祖實錄以薦授國史院編修官姚燧欲
試其才凡館閣應酬文積十餘事併以屬之紹援筆立成
燧驚喜曰可謂名下無虛矣聞母疾辭歸成宗大德六年
除應奉翰林文字遷太常博士仁宗皇慶初由國子司業
遷祭酒夙夜孜孜唯以教育人材爲念六年改翰林直學
士復以疾還英宗至治初起爲翰林侍講學士踰年告歸
卒年七十三之紹性遇事少斷號果齋以自勗文集藏家
李孝光字季祖温州樂清人少博雅篤好古文辭隱居鴈
氏姓譜

卷其六

四紙 李氏

八

蕩山四方士遠來受學至正七年詔徵隱士以秘書監著
作鄭名赴京師見帝宣文閣進孝經圖說順帝大悅賜上
尊明年授秘書監丞卒于官孝光以文章負重各其屬文
必法古非先秦兩漢語弗以措辭有文集二十卷鴈山十
記一卷傳世

李洞字概之滕州人生有異質始從學卽穎悟強記作爲
文辭如宿習者姚燧見其文嘆異薦授國史院編修官以
親老就養江南久之辟中書掾累除太常博士拜住爲相
聞其名擢監修國史長史秦定初改翰林待制以親喪未
葬辭歸天歷初復以待制名時文宗方開奎章閣延天下
名士洞數見秦對稱旨特授奎章閣承制學士旣爲帝知
遇乃著輔治篇以進文宗嘉之朝廷有大議必使與焉會
修經世大典洞方卧疾卽強起曰此大制作也吾何可不

預力疾同修書成既進奏旋謁告歸再除翰林直學士竟以疾不起洞秀眉疎髯目瑩如電顏面如冰玉唇若渥丹望之者疑爲神仙中人爲文奮筆揮洒縱橫疊出若紛錯而有條理每以李白自擬僑居濟南有湖山花竹之勝作亭曰天心水面文宗敕虞集爲之記尤善書自篆隸草真皆精詣爲世珍愛有文集四十卷

李杲字明之號東垣真定鎮州人少通春秋書易博聞強記時易州張元素著珍珠囊一書以醫名燕趙間杲捐千金從之學不數年盡得其秘顧資性高蹇少所降屈非危急之疾人不敢謁也嘗援例作濟源監稅官祖珍珠囊意增以用藥凡例諸經嚮導綱要活法著用藥法象一卷謂世人惑于內傷外感混同施治乃辨其脈證元氣陰火飲食勞倦有餘不足著辨惑論脾胃論各三卷推明素問難

氏姓譜

卷百六

四紙

李氏

九

經本草脈訣雜病方論著醫學發明九卷蘭靈秘藏五卷辨析經絡脈法分比傷寒六經之別著此事難知二卷及滌洄集外科精義號東垣十書至今稱朱李爲一代儒醫李康字寧之桐廬人事母篤孝人稱李孝子工詩文傍及書畫琴奕無不冠絕一時至正二年郡守馬九臯遣使幣聘不起九年張奉使高其行又起之復辭及行省宰臣至邑命邑令造請議事康不得已往極談當時得失欲官之以母老辭有杜詩補遺桐川詩派梅月齋永言看山清暇集各若干卷

李祁字一初茶陵州人元統初登左榜進士第一應奉翰林文字母老就養江南改婺源州同知以母憂歸隱永新山中年七十餘遭兵亂被傷而沒總制新安余茂刻其遺文爲雲陽先生集十卷

李延興字繼本先世本中州元初占籍北平父士瞻爲翰林學士承旨延興少負詩名咸至正丁酉進士授太常奉禮兼翰林檢討中原倣擾隱居不仕河朔學者多從之以師道尊于北方有一山文集

李存字明遠安仁人穎悟該博好爲古文辭與貴溪祝蕃遠舒元易吳尊光同游上饒陳立大之門號西江四先生葺書室曰竹莊決計長隱秘書李孝光舉以自代不起有猷庵集三十卷

李旬金字仲和號竹山溧水人宋進士爲無爲軍節制官入元不仕工書法所撰有稽古韻及存古正字編傳于世李衍字仲賓劄郎人別號息齋道人博學多通官江浙行省平章少時見人畫竹從旁窺其筆法始若可喜旋覺不類輒歎息捨去後從黃華子澹游學已觀華所畫墨蹟又

氏姓譜

卷八

四紙

李氏

十

迥然不同乃復棄去至元初來錢塘得文同一幅欣然願慰自後一意師之兼善畫竹法加青綠設色嘗曰墨竹畫竹皆起于唐自吳道子以來名家纔數人王右丞妙蹟世罕其傳蕭協律雖傳昏腐莫辨黃氏神而不似崔吳似而不神惟李頗形神兼足法度該備然文湖州最後出不異杲日升空燭火俱息黃鐘一振瓦釜失聲矣後使交趾深入竹鄉于竹之形色情狀辨析精到作畫竹墨竹二譜凡粘幘罽絹之法悉備予士行字遵道官黃巖知州畫枯槎竹石得家學而過之尤善山水

李伯溫天寧義州人守賢之孫毅之子也長兄惟則官平陽征行萬戶次伯通太祖九年錦州張致叛木華黎命擊之大戰城北死焉伯溫行平陽元帥府事鎮青龍堡專任東征聞平陽已陷弟守忠被執選驍勇拒守从之金兵盡

銳來攻守卒多夜遁李成開水門導敵人伯溫登牒樓謂左右曰吾兄弟仗節擁麾受方面之寄今不幸失利當以死報國吾弟已被執我不可再辱汝等宜自逃生卽拔劍殺家屬投井中自引刀植柱刺心而死金兵登樓見其抱柱如生無不嗟歎

李黼字子威潁川人父工部尚書守中性卞急遇諸子過嚴每一飲酒輒半月醉不解黼百計承順求寧親心不可得嘗跪而自訟無幾微厭怠意初補國學生泰定四年賜進士第一授翰林修撰歷監察御史命巡視河渠上言曰蔡河源出京西宋以轉輸之故平地作堤今河底填淤高出地面秋霖一至橫潰爲災宜按故迹修浚他日東河或有不測之阻江淮運物當出此分道達京師萬世之利也亦不報至正十年出爲江州路總管明年紅巾盜起北據

氏姓譜

卷百六

四紙

李氏

七

徐蔡南陷勦黃焚掠數千里九江居下流實江東西襟喉地黼治城濠修器械募丁壯分守要害且上攻守之策于行省請兵屯江北以扼賊衝不報黼嘆曰吾不知死所矣十二年春徐壽輝兵渡江陷武昌威順王及省臣相繼遁賊乘勝破瑞昌左丞李羅帖木兒方治軍江上聞之亦遁黼孤立辭氣愈奮厲時黃梅主簿也孫帖木兒願出擊賊黼大喜向天瀝酒與誓賊游兵俄至境急檄諸鄉落聚木石于險塞遏其歸路倉猝無號乃墨士卒面統之出戰黼身先大呼陷陣也孫帖木兒繼進賊大敗逐北二十里還謂其下曰賊不利于陸必由水攻苟失備吾屬無噍類矣乃設七星樁以長木數千冒鐵椎于杪暗植沿岸水中逆刺賊舟會西南風急賊舟數千果揚帆順流至遇樁不得動爲黼火箭所射焚溺無算已而賊勢轉盛西自荆湖

東際淮甸諸守臣往往棄城走黼提屨旅中外援絕賊將薄城黼方引兵登陴布戰具賊至焚西門乃張弩箭射之賊轉攻東門黼趨東門賊已入與巷戰知力不敵揮劍叱賊曰殺我毋殺百姓賊自項背來刺黼墜馬與從子秉昭俱死郡民相率具棺塋于東門外兄冕居穎上亦死于賊秉昭冕季子也事聞封黼隴西郡公諡文忠諡立廟江州賜額崇烈官其子秉方集賢待制

李齊字公平廣平人家貧嘗作客江南工辭章元統元年賜進士第一歷簽河南淮西廉訪司事移知高郵府至正十三年泰州白駒場亭民張士誠爲亂破本州淮南行省舉兵討之不克乃遣齊往招降被拘久之亡何其黨自相攻殺始縱齊歸士誠佯請降行省授以民官未幾復鼓變殺參政趙璉掠官庫走入得勝湖陷興化時左丞倪哲篤氏姓譜

卷五

四紙 李氏

十一

方鎮高郵使齊守璧社湖齊旣出高郵遂陷賊蔓延入寶應會有詔赦叛者使至高郵不得入賊給曰必李知府來乃受詔再遣齊往至則囚之齊益聲言士誠本無降意特遷延爲繕劄計耳官軍謀知之進攻城士誠呼齊出叱使跪齊反叱曰吾膝如鐵豈爲賊屈賊怒扼之跪齊立而詬乃倒曳搥碎其膝剛之論者謂大科三魁若秦不華沒海上李黼隕九江洎齊之死皆不負所學云

李茂天名人徙家揚州父興壽臨卒語茂曰吾病且死汝善事母茂泣受命奉母益謹母嘗病目失明茂禱于泰安山三年復明又願母壽每夕祝天乞損己齡益母算果享年八十餘大德九年揚州再火延燒千餘家火及茂廬皆返風而沒

李鵬飛池州人生母姚氏爲嫡母不容改嫁爲朱氏室鵬

飛幼不知也年十九思慕哀痛願見母行求至蘄水得焉
迎還奉養久之復歸朱氏時渡江省覲既卒歲時攜子孫
往祭墓終其身

李明德瑞州上高人至正十四年兵掠上高劫其父欲殺
之明德泣告曰子豈不能代父乎兵遂殺明德而免其父
父得以高壽終

李子敬三原人性樂善好義嫁不能嫁者五十餘女葬不
能葬者五十餘喪焚逋券四萬餘貫後在仕途屢瀆險究
得保全數病亦無恙人謂樂善之報

李純文宗天歷初爲洛陽縣令時西寇方熾府官命其屬
曰誰能諭西土俾臣服者衆皆股慄純獨毅然曰爲臣死
忠義也食焉而避難可乎卽單騎捧詔西行與賊會新安
賊帥揮戈而前命其徒斬之純語未畢而斃

氏姓譜

卷六

四紙

李氏

三

李棠卿樂平人爲無錫州倉使時張士誠寇無錫棠卿抱
印避草澤間士誠以倉印故購之急棠卿度不能脫遣人
懷印間道納行省尋被執誘以仕不降囚繫數日死獄中
李清七蘄水人與弟清八俱英邁剛果謹禮好義徐壽輝
據蘄邑爲都鄉人有材識者皆妄受官爵清七兄弟以爲
恥壽輝及門辟之匿不出及索致之兄弟歷陳大義辭色
俱厲並見殺至今耆老指其地曰此李清七兄弟死所也
李士會字有元樂平人慧敏力學汎極古今子史百家而
歸宿于六經文軌先秦兩漢以樂平起漢建安迄宋德祐
上下千載無紀事者由是專意邑乘聞前輩有能道邑中
前事不憚百里往咨之楊簡曹彥約俱嘗尹是邑遺愛在
民心則走江浙訪及子孫盡得其當時施設政教之實風
鈔雪纂成樂平廣記三十卷邑人物始有據待制李榮稱

其紀述備考覈精筆削嚴可方古史云

李武歙縣人游江湖遇人投以仙術施藥愈病屢驅旱魃後于邑之鳳山嶺結茅爲廬精修數年道成一日于酷暑暴卒曝尸日中旬餘不朽牧童異之投以石礫輒有銅錢觸石而返于是羣兒競投以石大者得金小者得錢石遂成塚金錢遂絕後有見其在逍遙山者敢視其塚衣履存焉里人益異建廟塚傍祈禱大驗號爲真仙

四

李文忠字思本小字保兒盱眙人太祖姊子也年十二而母死父貞撫之轉側亂軍中瀕死者數矣踰二年乃謁太祖于滁陽太祖見保兒喜甚撫以爲子令從已姓讀書穎敏如素習年十九以舍人將親軍從援池州破天完軍驍勇冠諸將別攻青陽石埭太平旌德皆下之敗元院判阿

氏姓譜

卷八

四紙

李氏

古

魯灰于萬年街復敗苗軍于於潛昌化進攻淳安夜襲洪元帥降其衆千餘授帳前左副都指揮兼領元帥府事尋會鄧愈胡大海之師取建德以爲嚴州府守之苗帥楊完者以苗獫數萬水陸奄至文忠將輕兵破其陸軍取所餓首浮巨筏上水軍見之亦遁完者復來犯與鄧愈擊却之進克浦江禁焚掠示恩信義門鄭氏避兵山谷格之還以兵護之民大悅完者死其部將乞降撫之得三萬餘人與胡大海拔諸暨張士誠寇嚴州禦之東門使別將出小北門間道襲其後來擊大破之踰月復來攻又破之大浪灘乘勝克分水士誠遣將據三溪復擊敗之斬陸元帥焚其壘士誠自是不敢窺嚴州進同僉行樞密院事胡大海得漢將李明道王漢二送文忠所釋而禮之使抬建昌守將王溥溥降苗將蔣英劉震殺大海以金華叛文忠遣將擊

走之親撫定其衆處州苗軍亦殺賊再成叛文忠遣將屯
縉雲以圖之拜浙東行省左丞總制嚴衢信處諸全軍事
吳兵十萬方急攻諸全守將謝再興告急遣同僉胡德濟
往援再興復請益兵文忠兵少無以應會太祖使邵榮討
處州亂卒文忠乃揚言徐右丞邵平章將大軍刻日進吳
軍聞之懼謀夜遁德濟與再興帥死士夜半開門突擊大
破之諸全遂完明年再興叛降于吳以吳軍犯東陽文忠
與胡深迎戰于義烏將千騎橫突其陣大敗之已用深策
去諸全五十里別築一城以相犄角士誠遣司徒李伯昇
以十六萬衆來攻不克踰年復以二十萬衆攻新城文忠
帥朱亮祖等馳救去新城十里而軍德濟使人告賊勢盛
宜少駐以俟大軍文忠曰兵在謀不在衆乃下令曰彼衆
而驕我少而銳以銳遇驕必克之矣彼軍輜重山積此天

氏姓譜

卷五

四紙

李氏

五

以富汝曹也勉之會有白氣自東北來覆軍上占之曰必
勝詰朝會戰天大霧晦冥文忠集諸將仰天誓曰國家之
事在此一舉文忠不敢愛死以後三軍乃使元帥徐大興
湯克明等將左軍嚴德王德等將右軍而自以中軍當敵
衝會處州援兵亦至奮前搏擊霧稍開文忠橫槊引鐵騎
數十乘高馳下衝其中堅敵以精騎圍文忠數重文忠手
所格殺甚衆縱騎馳突所向皆披靡大軍乘之城中兵亦
鼓譟出敵遂大潰逐北數十里斬首數萬級溪水盡赤獲
將校六百甲士三千鎧仗芻粟收數日不盡伯昇僅以身
免捷聞太祖大喜名歸宴勞彌日賜御衣名馬遣還鎮明
年秋大軍伐吳令攻杭州以牽制之文忠帥亮祖等克桐
廬新城富陽攻餘杭守將謝五再興弟也諭之降許以不
死五與再興子五人出降諸將請僇之文忠不可遂趨杭

州守將潘元明亦降整軍入元明以女樂迎麾去之營于
鹿譙下令曰擅入民居者死一卒借民釜斫以徇城中帖
然得兵三萬糧二十萬就加榮祿大夫浙江行省平章事
復姓李氏大軍征闖文忠別引軍屯浦城以逼之師還餘
寇金子隆等聚眾剽掠文忠復討禽之遂定建延汀三州
命軍中收養道上棄兒所全活無算洪武二年春以偏將
軍從右副將軍常遇春出塞薄上都走元帝遇春卒命文
忠代將其軍奉詔會大將軍徐達攻慶陽行次太原聞大
同圍急謂左丞趙庸曰我等受命而來闔外之事苟利于
國專之可也今大同甚急援之便遂出鴈門次馬邑敗元
游兵禽平章劉帖木進至白楊門天雨雪已駐營文忠令
移前五里阻水自固元兵乘夜來劫文忠堅壁不動質明
敵大至以二營委之殊死戰度敵疲乃出精兵左右擊大

氏姓譜

卷五

四

李氏

六

破之禽其將脫列伯俘斬萬餘人窮追至莽哥倉而還明
年拜征虜左副將軍與大將軍分道北征以十萬人出野
狐嶺至興和降其守將進兵察罕腦兒禽平章竹真次駱
駝山走平章沙不丁次開平降平章上都罕等時元帝已
崩太子愛猷識里達臘新立文忠謀知之兼程趨應昌元
嗣君北走獲其嫡子買的立八刺暨后妃宮人諸王將相
官屬數百人及宋元玉璽金寶十五玉冊二鎮圭大圭玉
帶玉斧各一出精騎窮追至北慶州而還道興州禽國公
江文清等降三萬七千人至紅羅山又降楊思祖之眾萬
六千餘人獻捷京師帝御奉天門受朝賀大封功臣文忠
功最授開國輔運推誠宣力武臣特進榮祿大夫右柱國
人都督府左都督封曹國公同知軍國事食祿三千石予
世券四年秋傅友德等平蜀令文忠往拊循之築成都新

城發軍戍諸郡要害乃還明年復以左副將軍由東道北
征出居庸趨和林至口溫元人道進至臚响河令部將韓
政等守輜重而自帥大軍入齋二十日狼疾馳至土刺河
元太師蠻子哈剌章悉衆渡河列騎以待文忠引軍薄之
敵稍却至阿魯渾河敵來益衆文忠馬中流矢下馬持短
兵鬪指揮李榮以所乘馬授文忠而自奪敵馬乘之文忠
得馬益殊死戰遂破敵虜獲萬計追奔至稱海敵兵復大
集文忠乃歛兵據險椎牛饗士縱所獲馬畜于野敵疑有
伏稍稍引去文忠亦引還失故道至桑哥兒麻之水渴甚
禱于天所乘馬跑地泉湧出三軍皆給乃刑牲以祭遂還
是役也兩軍勝負相當而宣寧侯曹良臣指揮使周顯常
榮張耀俱戰死以故賞不行六年行北平山西邊敗敵于
三角村七年遣部將分道出塞至三不刺川俘平章陳安
氏姓譜 卷八 四紙 李氏 七

禮至順寧楊門斬真珠驢至白登禽太尉不花其秋帥師
攻大寧高州克之斬宗王朶朶失里禽承旨百家奴追奔
至擅帽山擊斬魯王獲其妃及司徒答海等進帥豐州禽
元故官十二人馬駝牛羊甚衆窮追至百千兒乃還是後
屢出備邊十年命與韓國公李善長議軍國重事十二年
洮州十八番族叛與西平侯沐英合兵討平之築城東籠
山南川置洮州衛還言西安城中水鹹鹵不可飲請鑿地
引龍首渠入城以便汲從之還掌大都督府兼領國子監
事文忠器量沉宏人莫測其際臨陣踴厲風發遇大敵益
壯頗好學問常師事金華范祖幹胡翰通曉經義爲詩歌
雄駿可觀初太祖定應天以軍興不給增民田租文忠請
之得減額其釋兵家居恂恂若儒者帝雅愛重之家故多
客嘗以客言勸帝少誅僂又諫帝征日本及言宦者過盛

非天子不近刑人之義以是積忤旨不免譴責十六年冬遂得疾帝親臨視使淮安侯華中護醫藥明年三月卒年四十六帝疑中毒之貶中爵放其家屬于建昌衛諸醫並妻子皆斬親爲文致祭追封岐陽王諡武靖配享太廟肖像功臣廟位皆第三父貞前卒贈隴西王諡恭獻文忠三子長景隆次增枝芳英皆帝賜名

李希顏字愚菴邠人隱居不仕太祖手書徵之至京爲諸王師規範嚴峻諸王有不率教者或擊其額帝撫而怒高皇后曰烏有以聖人之道訓吾子顧怒之邪太祖意解授左春坊右贊善諸王就藩希顏歸舊隱閭里宴集常著緋袍戴笠往客問故笑曰笠本質緋君賜也

李叔正字克正初名宗頤靖安人年十二能詩長益淹博時江西有十才子叔正其一也以薦授國子學正洪武初

氏姓譜

卷五

四紙

李氏

七

告歸未幾復以薦爲學正遷渭南丞同州蒲城人爭地界累年不決行省以委叔正單騎至剖數語立決渭南歲輸糧二萬時豪右與猾吏爲奸田無定額叔正履畝丈量立法精密諸弊盡剔遷興化知縣尋召爲禮部員外郎以年老乞歸不許改國子助教于是叔正三至太學矣帝方銳意文治于國學人材尤加意然諸生多貴胄不率教叔正嚴立規條旦夕端坐督課無倦色朝論賢之擢監察御史奉命巡嶺表瓊州府吏許其守踞公座策表文叔正鞠之守得白吏抵罪太祖嘉之曰人言老御史懦乃明斷如是邪累官禮部侍郎十四年進尙書卒于官叔正妻夏氏陳友諒陷南昌時投井死叔正感其義終身不復娶

李質字文彬德慶人有材畧元末居何真麾下嘗募兵平德慶亂民旁郡多賴其保障名士客嶺南者茶陵劉三吾

江右伯顏子中羊城孫賈建安張智等皆禮之洪武元年
從真降授中書斷事明年改督府斷事強力執法五年擢
刑部侍郎進尚書治獄平恕遣振飢山東御製詩餞之尋
出爲浙江行省參政三年惠積著聞帝念質老名還入見
便殿訪時政直言無隱拜靖江王右相王罪廢質竟坐死
李仕魯字宗孔濮人少穎敏篤學足不窺戶外者三年聞
鄱陽朱公遷得宋朱熹之傳往從之游盡受其學太祖故
知仕魯名洪武中詔求能爲朱氏學者有司舉仕魯入見
太祖喜曰吾求子久何相見晚也除黃州同知曰朕姑以
民事試子行名子矣期年治行聞十四年命爲大理寺卿
帝自踐阼後頗好釋氏教詔徵東南戒德僧數建法會于
蔣山應對稱旨者輒賜金襴袈裟衣名入禁中賜坐與講
論吳印華克勤之屬皆被擢至大官時時寄以耳目由是
其徒橫甚讒毀大臣舉朝莫敢言惟仕魯與給事中陳汝
輝相繼爭之帝不聽諸僧怙寵者遂請爲釋氏創立職官
于是以先所置善世院爲僧錄司設左右善世左右闡教
左右講經覺義等官皆高其品秩道教亦然度僧尼道士
至踰數萬仕魯疏言陛下方創業凡意指所向卽示子孫
萬世法程奈何捨聖學而崇異端乎章數十上亦不聽仕
魯性剛介由儒術起方欲推明朱氏學以闢佛自任及言
不見用遽請于帝前曰陛下深溺其教無惑乎臣言之不
入也還陛下笏乞賜骸骨歸田里遂置笏于地帝大怒命
武士捽搏之立死階下

李遠懷遠人襲父職爲蔚州衛指揮僉事燕兵攻蔚州舉
城降南軍駐德州運道出徐沛間遠以輕兵六千許爲南
軍袍鍪人插柳一枝于背徑濟寧沙河至沛無覺者焚糧

氏姓譜

卷頁

四紙

李氏

九

舟數萬河水盡執魚鱉皆浮死南將袁宇三萬騎來追伏
兵擊敗之建文四年正月燕軍駐蠡縣遠分哨至藁城遇
刑將葛進步騎萬餘乘水渡滹沱河遠迎擊之進繫馬林
間以步兵接戰遠佯却潛分兵出其後解所繫馬再戰進
引退失馬遂大敗斬首四千獲馬千匹成祖以歲首大捷
賜書嘉勞曰將軍以輕騎八百破敵數萬出奇應變雖古
名將不過也復遣哨淮上敗守淮將士斬千餘級累功爲
都督僉事封安平侯祿千石予世伯劬永樂元年偕武安
侯鄭亨備宣府遠沉毅有胆畧言論慷慨從郎福出塞至
臚胸河諫福不聽師敗遠帥五百騎突陣殺數百人馬蹶
被執罵不絕口死年四十六追封莒國公諡忠壯

李慶字德孚順義人洪武中以國子生署右僉都御史後
授刑部員外郎遷紹興知府永樂元年召爲刑部侍郎性
氏姓譜

卷六

四紙

李氏

三

剛果有幹局馭下甚嚴帝以爲才數命治他事不得時至
部屬吏與罪人交通私饋餉慶輒知之繩以重法五年改
左副都御史兩遭親喪並起復時勲貴武臣多令子弟家
人行商中益爲官民害慶言舊制四品以上官員家不得
與民爭利今都督蔡福等旣行罰公侯有犯亦乞按問帝
令嚴禁如制忻成伯趙彝擅殺運夫盜賣軍餉都督譚青
朱崇貪縱慶劾之皆下吏已劾都督費瓛欺罔梁銘貪暴
鎮守德州都督曹得黷貨皆被責中外凜其風采十八年
進工部尙書尋兼領兵部事仁宗立改兵部加太子少保
弋謙以言事忤旨呂震等交口誅之惟慶與夏原吉無所
言帝尋悟降敕自責並責震等震等甚愧此兩人山陵事
多趣辦中官有求執不與人多嚴憚之號爲生李奉命侍
皇太子謁孝陵在途約東將士秋毫無所擾太子欲獵慶

諫止及太子還北京遂留慶南京兵部宣德二年安遠侯柳升討黎利命慶參贊軍務許擇部曹賢能者自隨師至鎮夷關升意輕賊不爲備郎中史安主事陳鏞言于慶時慶已病甚強起告升升不聽直前中伏敗死慶病遂篤明日亦死一軍盡沒

李儀涿人永樂間以薦舉授戶部主事宣宗既平高煦儀請去趙王護衛尙書張本亦言往歲孟賢謀逆趙王未必不知高煦亦謂與趙合謀儀言是帝不聽既而言者益衆帝封其詞遣使諭王如儀指王卽獻護衛趙卒無事儀尋出知九江府有惠政英宗卽位之歲始設諸邊巡撫僉都御史丁璿方督大同宣府軍儲而儀以右僉都御史巡撫其地盛有所建置明年請以大同東西二路分責于總兵官羅文方政從之時朝議遣方政楊洪出塞與甘肅將蔣氏姓譜

卷八

四紙

李氏

二

貴史昭合擊梁兒只伯儀言四裔爲患自古有之在備禦有方耳和寧殘部窮無所歸乍臣乍叛小爲邊寇邊將謹待之將自遁何必窮兵萬一乘虛襲我少有失適足爲笑乞敕政等無窮追不納督糧參政謝璉不職儀劾之璉乃誣儀淫亂事適參將石亨欲奏鎮守中官郭敬罪先咨儀儀誤緘咨牒于核餉主事文卷中戶部以聞致亨敬相奏許詔儀璉自陳而切責敬等璉止停俸二歲儀雖引罪自負其直詞頗激遂被劾下吏瘐死正統二年二月也儀居官廉謹邊人素德之聞其死建昭德祠以祀

李棠字宗楷縉雲人宣德五年進士授刑部主事爲尙書魏源所器金濂代源以剛嚴攝下棠與辯論是非譴訶不爲動濂亦器之進員外郎錄囚南畿多所平反進郎中景帝嗣位趨擢本部侍郎未幾巡撫廣西提督軍務所部多

冠裳以次討平之正已帥下令行政舉景泰三年思明土知府黃瑠老子鈞嗣瑠庶兄玠使其子殺瑠父子滅其家而以他盜爲亂告棠檄右參政曾鞏副使劉仁宅按其事鞏等誘執玠父子下獄玠窘遣使走京師上書請帝廢太子立己子帝大喜立擢玠都督同知出其子于獄棠旣不得竟黃玠獄鬱鬱累疏謝病歸不攜嶺表一物以清節顯李侃字希正東安人正統七年進士授戶科給事中景帝監國陳簡將才募民壯用戰車三事也先逼京師議者欲焚城外馬草侃言敵輕剽無持久心乞勿焚免復歛爲民累皆報許時父母在客城侃曉夜悲泣乞假旨險迎之景泰初議錄扈從死事諸臣後侃因言避難偷生者宜嚴譴以厲臣節上皇將還與同官劉福等言禮宜從厚忤旨被誥尙書胡濙爲解乃已再遷都給事中軍興減天下學校

氏姓譜

卷百六

四紙

李氏

三

師儒俸廩侃奏復之戶部尙書金濂違詔徵租侃論濂下之吏石亨從子彪侵民業侃請置重典並嚴禁勦賊中官不得豪奪細民有司隱者同罪帝着亨彪餘如其請時給事中敢言者林聰稱首侃亦矯抗有直聲廷議易儲諸大臣唯唯侃泣言東宮無失德聰與御史朱英亦言不可時議壯之擢詹事府丞天順元年改太常丞進太僕卿明年復設山西巡撫遷侃右僉都御史任之奏言塞北之地與窮荒無異非生長其間者未有能寧居而狎敵者也今南人戍西北邊怯風寒聞寇股栗而北人戍南亦不耐暑多潛逃宜令南北清勾之軍各就本土補伍人情交便戎備得修時不能用奏發巡按李傑罪傑亦許侃按傑事有驗除名侃無罪獲宥六年考察屬吏奏罷布政使王允李正芳以下百六十八人因言諸臣年與臣若不堪任事者臣

悉退之臣亦當罷詔不許侃性剛方力振風紀貪墨者屏
跡其年冬以母喪歸軍民擁泣至不得行服除遂不出家
居十餘年卒侃事親孝好學安貧歿幾不能殮宏治初國
子生江紀等言前祭酒李侃學行事功彰著耳目乞賜諡
寢不行侃二子德恢嚴州知府德仁河東鹽運使

李綱字廷張長清人幼從父入都墜車下車轢體過竟不
傷人咸異之登天順元年進士授御史歷按南畿浙江劾
去浙江賊吏至四百餘人時目爲鐵御史奉敕編集陝西
延綏土兵還遷太僕寺少卿巡畿輔馬政盡却有司饋按
冀州遇盜問隸人曰太僕李公邪是何從得金不敢篋而
遂去成化十三年遷右僉都御史轉左出督漕運與平江
伯陳銳共事踰年卒陳銳見李綱箚中惟敝衣揮涕曰君
子也爲具棺斂聞其清節于朝帝特命賜祭葬不爲令綱
氏姓譜 卷六 四 祇 李氏 三

情剛似李侃爲時所重

李裕字資德豐城人景泰五年進士授御史天順中巡按
陝西上安邊入事石彪濫報首功詔裕核實彪從父亨以
書抵裕裕焚之以實聞亨亦旋敗由是有強直聲都御史
寇深遇僚屬嚴惟裕不爲屈以才擢山東按察使重囚二
百餘人或經十餘年未判裕旬月間決遣殆盡大峴山賊
寨七十餘裕捕戮其魁縱脅從除其逋負亂遂平成化初
遷陝西左布政使入爲順天府尹政聲大著進右副都御
史總督漕運兼巡撫江北諸府濬白塔孟瀆二河以便漕
張秋南旺及淮安西湖舊編木捍衝激勞費無已裕與郎
中楊恭等謀易以石遂爲永利准鳳方飢而太僕徵預備
馬二萬匹裕論罷之在淮六歲每歲入計事陳利病多施
行父憂歸服除留佐院事十九年代戴縉爲右都御史縉

附汪直嘗請復立西廠者在臺綱紀不立裕欲振之御史有過或遭箠撻由是得謗汪直敗偕副都御史屠瀟請雪諸忤直得罪者帝不悅奪俸又坐累調南京都察院考績起都留爲工部尙書初吏部尙書尹旻罷耿裕代之以持正不爲萬安所喜而李致省方貴幸用事欲引鄉人乃協謀去耿裕以裕代之裕本廉介負時望以致省故名頗損其銓叙亦平故事考察目有四曰老疾曰罷軟曰貪酷曰不謹裕言人材質不同偏執類酷遲鈍類軟乞立才力不及一途以寓愛惜人才之意帝善之遂著爲令孝宗立言官交章劾裕進由致省裕不平爲辨誣錄連疏乞休去正德中卒年八十八

李昌祺名禎以字行廬陵人永樂二年進士選庶吉士預修永樂大典僻書疑事人多就質擢禮部郎中遷廣西左

氏姓譜

卷真

四紙

李氏

云

布政使坐事謫役尋宥還洪熙元年起故官河南與右布政使蕭省身繩豪猾去貪殘疏滯舉屢救災恤貧數月政化大行憂歸宣宗已命侍郎魏源代而是時河南大旱廷臣以昌祺廉潔寬厚河南民懷之請起昌祺命奪喪赴官撫恤甚至正統改元上書言三事報可四年致仕家居二十餘年屏跡不入公府故盧裁蔽風雨伏臘不充景泰二年卒

李時勉名懋以字行安福人成童時冬寒以衾裹足納榻中誦讀不已中永樂二年進士選庶吉士進學文淵閣與修太祖實錄授刑部主事復與重修實錄書成改翰林侍讀性剛鯁慨然以天下爲己任十九年三殿災詔求直言條上時務十五事成祖決計都北京時方招徠遠人而時勉言營建之非及遠國入貢人不宜使羣居輦下忤帝意

已觀其他說多中時病抵之地復取視者再卒多施行尋
被讒下獄歲餘得釋楊榮薦復職洪熙元年復上疏言事
仁宗怒甚召至便殿對不屈命武士撲以金瓜脇折者三
曳出幾死明日改交阻道御史命日慮一囚言一事章三
上乃下錦衣衛獄時勉于錦衣衛千戶某有恩千戶適泄
獄密名醫療以海外血竭得不死仁宗大漸謂夏原吉日
時勉廷辱我言已勃然怒原吉慰解之其夕帝崩宣宗卽
位已踰年或言時勉得罪先帝狀帝震怒命使者縛以來
朕親鞫必殺之已又令王指揮卽縛斬西市毋入見王指
揮出端西旁門而前使者已縛時勉從端東旁門入不相
值帝遙見罵曰爾小臣敢觸先帝疏何語趣言之時勉叩
頭曰臣言諫閣中不宜近妃嬪皇太子不宜遠左右帝聞
言色稍霽徐數至六事止帝令盡陳之對曰臣惶懼不能

氏姓譜

卷五

四編

李氏

五

悉記帝意益解曰是第難言耳草安在對曰焚之矣帝乃
太息稱時勉忠立赦之復官侍讀比王指揮詣獄還則時
勉已龔冠帶立階前矣宣德五年修成祖實錄成遷侍讀
學士帝幸史館撤金錢賜諸學士皆俛取時勉獨正立帝
乃出餘錢賜之正統三年以宣宗實錄成進學士掌院事
兼經筵官六年代貝泰爲祭酒八年乞致任不允初時勉
請改建國學帝命王振往視時勉待振無加禮振銜之廉
其短無所得時勉常爰彝倫堂樹旁枝振遂言時勉擅伐
官樹入家取中旨與司業趙璠掌饌金鑑並枷國子監前
官校至時勉方坐東堂閱課士卷徐呼諸生品第高下顧
僚屬定甲乙揭榜乃行方盛暑枷三日不解監生李貴等
千餘人詣闕乞貸有石大用者上章願以身代諸生圍集
朝門呼聲徹殿庭振聞諸生不平恐激變及通政司奏大

用章振內慙助教李繼請解于會昌侯孫忠忠皇太后父也忠生日太后使人賜家忠附奏太后太后爲言之帝帝初不知也立釋之繼不拘檢押時勉嘗規切之繼不能盡用然心感時勉言至是竟得其助大用豐潤人樸魯初不爲六館所知及是名動京師明年中鄉試官至戶部主事九年帝視學時勉進講尙書辭旨清朗帝悅賜予有加連疏乞致仕不允十二年春乃得請朝臣及國子生餞都門外者幾三千人或遠送至登舟候舟發乃去英宗北狩時勉日夜悲慟遣其孫驥詣闕上書請選將練兵親君子遠小人褒表忠節迎還車駕復仇雪恥景泰元年得旨褒答而時勉卒矣年七十七謚文毅成化五年以其孫願請改謚忠文贈禮部侍郎時勉爲祭酒六年列格致誠正四號訓勵甚切崇廉恥抑奔競別賢否示勸懲諸生貧不能

氏姓譜

卷八

四紙

李氏

三

婚葬者節省餐錢爲贍給督令讀書燈火達旦吟誦聲不絕人才盛于昔時始太祖以宋訥爲祭酒最有名其後寧化張顯宗申明學規人比之訥而胡儼當成祖之世尤稱人師然以直節重望爲士類所依歸者莫如時勉英國公張輔暨諸侯伯奏願偕詣國子監聽講帝命以三月三日往時勉升師席諸生以次立講五經各一章畢事設酒饌諸侯伯讓曰受教之地當就諸生列坐惟輔與抗禮諸生歌鹿鳴之詩賓主雍雍盡幕散去人稱爲太平盛事云李絳字克述安福人宣德八年進士改庶吉士授檢討大學士楊士奇卧病英宗遣使詢人才士奇舉絳等五人以對土木之敗京師戒嚴朝士多遣家南徙絳曰主辱臣死奚以家爲卒不遣累遷翰林學士以李賢王翱薦擢禮部侍郎成化二年以疾求解職絳好學問居官剛正有器局

能獎掖後進其卒也帝深惜之

李森字時茂歷城人天順元年進士授戶科給事中負氣
敢言憲宗立上疏請禁朝覲官科歛徵求爲民害者吏部
尚書王翱請從其言帝爲下詔禁止頃之言近有無功而
晉侯伯都督者有無才德而位九列者有以畫奕彈琴醫
卜技能而得官職者名僞日輕廩祿日費是玩天下之公
器棄國家之大柄也自今宜擇人授毋令匪才競進且請
嚴軍官黜陟核逃伍虛糧皆報可御史謝文祥以劾姚夔
下獄森偕同官救之不納明年夏日食瓊山縣地震森疏
陳十事未幾以貴倖侵奪民產率諸給事言昔奉先帝敕
皇親強占軍民田者罪毋赦投獻者戍邊一時貴戚莫敢
犯比給事中邱宏奏絕權貴請乞陛下亦旣俯從乃外戚
錦衣指揮周或求武強武邑田六百餘頃羽聖夫人劉氏

氏姓譜

卷八

四紙

李氏

七

求通州武清地三百餘頃詔皆許之何其與前敢悖也彼
谿壑難厭而畿內膏腴有限小民衣食皆出于此一旦奪
之何以爲生且本朝百年來戶口日滋安得尙有閒田不
耕不稼名爲奏求實豪奪而已帝善其言而已賜者仍不
問山西災山東及杭紹嘉湖大水森等請蠲振帝並從之
時帝未有儲嗣而萬貴妃專寵後宮莫得進言者每勸上
普恩澤然未敢顯言妃妒也惟森抗章爲言帝心愠森已
遷左給事中會戶科都給事中缺吏部列森名上詔予外
任部擬興化知府不允出爲懷慶通判尋投劾歸不復出
李東陽字賓之茶陵人以成籍居京師四歲能作徑尺書
景帝名試之甚喜抱置膝上賜果鈔後兩名講尙書大義
稱旨命入京學天順八年年十八成進士選庶吉士授編
修累遷侍講學士充東宮講官宏治五年憲宗實錄成由

左庶子兼侍講學士進太常少卿兼官如故五年旱災求
言東陽條摘孟子七篇大義附以時政得失累數千言上
之帝稱善閣臣徐溥等以詔敕繁請如先朝王直故事設
官專領乃擢東陽禮部右侍郎兼侍讀學士入內閣專典
誥敕八年以本官直文淵閣參預機務與謝遷同日登用
久之進太子少保禮部尚書兼文淵閣大學士十七年重
建闕里廟成奉命往祭還上疏帝嘉嘆悉付所司是時帝
數召閣臣面議政事東陽與首輔劉健等竭心獻納時政
闕失必盡言極諫東陽工古文閣中疏草多屬之疏出天
下傳誦明年與劉健謝遷同受顧命武宗立屢加少傅兼
太子太傅劉瑾入司禮東陽與健遷卽日辭位中旨去健
遷而東陽獨留恥之再疏懇請不許初健遷持議欲誅瑾
詞甚厲惟東陽少緩故獨留健遷瀕行東陽祖餞泣下健

氏姓譜

卷八

四紙

李氏

元

正色曰何泣下也當目力爭與我輩回去矣東陽默然尙
寶卿崔璿副使姚祥郎中張瑋以違制乘肩輿從者妄索
驛馬給事中安奎御史張或以核邊餉失瑾意皆荷重校
幾死東陽力救璿等謫戍奎或釋爲民三年六月壬辰朝
退有遺匿名書于御道數瑾罪者詔百官悉跪奉天門外
頃之執庶僚三百餘人下詔獄次日東陽等力救會瑾亦
兼知其同類所爲衆獲宥後數日東陽疏言寬恤數事章
下所司旣而戶部覆奏言糧草虧折自有專司巡撫官總
領大綱宜從輕減瑾大怒矯旨詰責數百言中外駭歎瑾
患盜賊日滋欲戍其家屬並鄰里及爲之囊橐者或自陳
獲盜七十人所司欲以新例從事東陽言如是則百年之
案皆可追論也乃免劉健謝遷劉大夏楊一清及平江伯
陳熊輩幾得危禍皆賴東陽而解其潛移默奪保全善類

天下陰受其庇而氣節之士多非之侍郎羅玘上書勸其
早退至請削門生籍東陽得書俛首長嘆而已焦芳旣與
中人爲一王鏊雖持正不能與瑾抗東陽乃援楊廷和共
事差倚以自強已而鏊辭位代者劉宇曹元皆瑾黨東陽
勢益孤東陽前已加少師兼太子太師後瑾欲加芳官詔
東陽食正一品祿四年五月孝宗實錄成編纂諸臣當序
遷所司援會典故事詔以劉健等前纂修會典多糜費皆
奪陞職東陽亦坐降俸居數日乃以實錄功復之五年春
久早下詔恤刑東陽等因上詔書所未及者數條帝悉從
之而法司畏瑾減死者止二人其秋瑾誅東陽乃上疏自
列帝慰留之真鑄平加特進左柱國廕一子尙寶司丞爲
御史張芹所劾帝怒奪芹俸東陽亦乞休辭廕不許時焦
芳曹元已罷而劉忠梁儲入政事一新然張永魏彬馬永

氏姓譜

卷百六

四紙 李氏

五

成谷大用等猶用事帝嬉遊如故皇子未生多居宿于外
又議大興豹房之役建寺觀禁中東陽等憂之前後上章
切諫不報七年東陽等以京師及山西陝西雲南福建相
繼地震而帝講筵不舉視朝久曠宗社祭享不親禁門出
入無度谷大用仍開西厰屢上疏極諫帝亦終不聽九載
秩滿兼支大學士俸河南賊平廕子世錦衣千戶再疏力
辭改廕六品文官其冬帝欲調宣府軍三千入衛而以京
軍更番戍邊東陽等力持不可大臣臺諫皆以爲言中官
旁午索草敕帝坐乾清宮門趣之東陽等終不奉詔明日
竟出內降行之江彬等遂以邊兵入豹房矣東陽以老疾
乞休前後章數上至是始許賜敕給廩隸如故事又四年
卒年七十贈太師謚文正東陽事父淳有孝行初官翰林
時常飲酒至夜深父不就寢忍寒待其歸自此終身不夜

飲于外爲文典雅流麗朝廷大著作多出其手工篆隸書碑版篇翰流播四裔獎成後進推銳才彥學士大夫出其門者悉粲然有所成就自明興以來宰臣以文章領袖縉紳者楊士奇後東陽而已立朝五十年清節不渝旣罷政居家請詩文書篆者填塞戶限頗資以給朝夕一日夫人方進紙墨東陽有倦色夫人笑曰今日設客可使案無魚菜邪乃欣然命筆移時而罷其風操如此

李敏字公勉襄城人景泰五年進士授御史天順初奉敕撫定貴州蠻還按畿內以薊州餉道經海口多覆溺建議別開三河達薊州以避其險軍民利之成化初用薦超遷浙江按察使山山西四川左右布政使十三年擢右副都御史巡撫大同敵騎出沒塞下掩殺守墩軍敏伏壯士突禽之修治垣塹敵不敢犯十五年召爲兵部右侍郎諭

氏姓譜

卷五

四紙

李氏

三

四年病歸河南大飢條上救荒數事詔以左副都御史巡撫保定諸府二十一年改督漕運尋名拜戶部尙書先是敏在大同見山東河南轉餉至者道遠耗費乃會計歲支外悉令輸銀民輕齎易達而將士得以其贏治軍裝交便之至是並請畿輔山西陝西州縣歲輸糧各邊者每糧一石徵銀一兩以十九輸邊依時值折軍餉有餘則名糴以備軍興帝從之自是北方二稅皆折銀田敏始也崇文門宣課司稅多爲勢要所侵漁敏因馬文升言請增設御史主事監視御史陳瑄斥敏聚斂敏再疏求去帝慰留之貴戚請隙地及鷹房牧馬場于頃敏執不可事得寢當憲宗末中官佞倖多賜莊田旣得罪率辭而歸之官罪重者奪之然不以賦民敏請名佃畝科銀三分帝從之然他庄田如故也會京師大水敏乃極陳其害時不能用南京御史

與守備太監蔣琮相訐御史咸逮謫而琮居職如故敏再力請乃以葉淇代詔敏乘傳歸未抵家卒贈太子少保諡恭靖敏篤行誼所得祿賜悉分昆弟故人里居時築室紫雲山麓聚書數千卷與學者講習及巡撫大同疏籍之于官詔賜名紫雲書院大同孔廟無雅樂敏奏得頒給如制李光翰新鄉人宏治十二年進士授南京戶科給事中正德改元災異求言光翰偕同官疏劾太監苗建高鳳李榮及保國公朱暉且言大學士劉健等疏陳監法事留中不報將使老臣不安其位帝不省既削籍歸後起台州知府與徐蕃同舉治行卓異尋卒

李文祥字天瑞麻城人祖正芳山西布政使父瀾陝西參政文祥自幼俊異弱冠舉于鄉成化末舉進士萬安當國

氏姓譜

卷百六

四紙

李氏

三

重其才以孫宏璧與同榜欵于家文祥意弗慊也屬題畫

鳩語含刺安深銜之未幾孝宗嗣位卽上封事疏奏宦官

及執政萬安劉吉尹直等威惡之數日不下忽詔詣左順

門以疏內有中興再造語傳旨詰責文祥從容辨析而出

謫授陝西咸寧丞南京主事夏崇文論救不納工部主事

莆田林沂復請召文祥及湯鼐納崇文言且名陳獻章謝

鐸等時安已去吉直激帝怒嚴旨切責之廷臣多薦文祥

率爲吉直所沮宏治二年以王恕薦召爲兵部主事監司

以下餽贖皆不納到官未踰月復以吉人事下獄貶貴州

興隆衛經歷都御史鄧廷瓚征苗咨以兵事大奇之徵薦

爲監司文祥曰昔以言事出今以軍功進不可固辭不得

乃請齋表入都固乞告歸疏再上不許還經商城渡冰陷

死焉年僅三十

李中字子庸吉水人正德九年進士楊一清爲吏部數召中應言官試不赴及授工部主事武宗自稱大農法司建寺西華門內用番僧住持廷臣莫敢言中拜官三月卽抗疏帝怒罪將不測以大臣救得免踰日中旨謫廣東通衢驛丞王守仁撫贛州檄中參其軍事預平宸濠世宗踐阼復故官未任擢廣東僉事再遷廣西提學副使以身爲教擇諸生高等聚五經書院五日一登堂講難三遷廣東右布政使忤總督及巡撫御史坐以不稱職當罷霍韜署吏部事稱中素廉節有才望當留會政府有不悅者降四川右參政十八年擢右僉都御史巡撫山東歲歉令民捕蝗者倍予穀蝗絕而飢者濟禽劇盜鬪繼光隣境攘其功中不與辯進副都御史總督南京糧儲御史金燦按四川時嘗薦中中不謝燦恨之至是撫他事誣劾方議調用而中

氏姓譜

卷百六

四紙

李氏

三

李光宗時追謚莊介中守官廉白廣西歸欲飯客貸米隣家米至又乏薪將以浴器爨會日已暮竟不及飯而別少學于同里楊珠旣而擴充之沉潛邃密學者稱谷平先生門人羅洪先王龜年周子恭皆能傳其學中族人楷又傳洪先之學

李充嗣字士修內江人給事中蕃孫也登成化二十三年進士改庶吉士宏治初授戶部主事以從父臨安爲郎中改刑部坐累謫岳州通判久之移隨州知州擢陝西僉事歷雲南按察使正德九年舉治行卓異累遷右副都御史巡撫河南歲祲請發帑金移粟振之不足則勸貸富室時流民多聚開封煮糜哺之踰月資遣還鄉初鎮守中官廖堂黨于劉瑾假進貢名要求百端繼者以爲常充嗣言近中官進貢有古銅器窰變益黃鷹角鷹錦雞走狗諸物皆

借名科歛外又有拜見銀須知銀及侵扣驛傳快手月錢
河夫歇役之屬無慮十餘事苛派動數十萬其左右用事
者又私于境內抑買雜物擅權商買貨利乞嚴行禁絕詔
但禁下人科取而已十二年移撫應天諸府寧王宸濠反
充嗣謂尚書喬宇曰都城守禦屬于公畿輔則充嗣任之
乃自將精兵萬人西屯采石遣使入安慶城中令指揮楊
銳等堅守傳檄部內聲言京邊兵十萬旦夕至趣供餉以
給賊賊果疑懼事定兵部及巡按御史胡濬言其功時已
就進戶部右侍郎乃賜敕嘉勞有建議修蘇松水利者進
充嗣工部尚書兼領水利事未幾世宗嗣位遣工部郎林
文需顏如瓌佐之開白茅港疏吳淞江六閱月而訖工嘉
靖元年論平宸濠功加太子少保蘇松白糧輸內府正德
時驟增內使五千人糧亦加十三萬石帝用充嗣言減從

氏姓譜

卷五

四紙

李氏

三

故額又請常賦外盡蠲歲辦之浮額者內府徵收監以科
道官毋縱內臣苛索帝俱從之尋改南京兵部尚書七年
致仕卒久之詔贈太子太保謚康和

李錫欵人世新安衛千戶倭警數有功爲通州守備屢擢
揚州參將江北副總兵隆慶元年冬以署都督僉事爲福
建總兵官海寇曾一本橫行閩廣間俞大猷將赴廣西總
督劉燾令會閩師夾擊一本至閩錫出海禦之與大猷遇
賊柘林澳三戰皆捷賊遁馬耳澳復戰會時東總兵官郭
成率參將王詒等以師會次萊蕪澳分三營之一本駕大
舟力戰諸將連破之燬其舟詒生禽一本及其妻斬首七
百餘死水火者萬計時廣寇唯一本最強錫大猷成共平
之而錫功最鉅其後一本餘黨梁本豪復亂爲黃應甲所
禽然視錫時力較易錫論功加署都督同知倭入寇擊却

之六年春以征蠻將軍代大猷鎮廣西平樂府江者桂林
抵梧州驛道也南北亘五百里兩岸崇山深箐賊巢盤互
自嘉靖間張岳破平後至是復倡獮嘗執知州遷重賄道
路梗塞城門晝閉大猷議討之會罷官去巡撫郭應聘與
錫計徵兵六萬令參將錢鳳翔王世科都指揮王承恩董
龍各將一軍以副使鄭茂金柱僉事夏道南監之錫居中
節制破賊巢數十斬馘五千有奇僮酋楊錢甫等悉授首
錄功進世職二等柳州懷遠徭獞狔獞居之徭尤獷悍
侵據縣治久吏民率寓郡城隆慶時大征古田諸徭懼而
聽命知縣馬希武之官繕城塹程役過嚴諸徭殺希武及
經歷等五人復反巡撫應聘與都督殷正茂議征之萬歷
元年正月錫進次長安鎮會連雨雪乃退師益徵浙東烏
銃手湖廣永順鈎刀手及狼兵十萬人令叅將鳳翔世科

氏姓譜

卷五

四紙

李氏

三

都指揮楊照賊繼美故參將亦孔昭魯國賢六道並進監
以副使沈子木錫自統水師次羅江獨當其衝時賊屯板
江大洲累石樹柵潛以舟來襲錫伏舟敗之水陸並進會
鳳翔等亦至賊悉舟西遁追擊連破數巢賊據楓木大山
前阻隄澗鼓譟出諸軍奮擊而別以奇兵繞其後賊大奔
保天鷲嶺錫以水軍截潯江督諸將攻斬渠魁二人乘勝
復破數巢直抵清州界賊奔大巢亘數里崖壁峭絕爲重
柵拒官軍鏢弩矢石雨下婦人裸體揚箕擲牛羊犬首爲
厭勝諸軍大呼直上四面舉火賊盡殲先後破巢百四十
獻馘三千五百有奇俘獲撫降者無算永福永寧柳城並
以賊告洛容僮又殺典史錫令王端討永寧柳照討柳城
參將門崇友討永福亦孔昭討洛容已帥舟師屯理定江
節制諸軍甫二旬四道並捷斬首四千五百有奇洛容賊

首陶浪金等俱伏誅錫以功進秩二等巡按御史唐諫言錫一年內破賊二百一十四巢獲首功一萬二千餘級宜以其任帝可之尋從凌雲翼大破羅旁賊授世廕百戶六年卒官

李汝華字茂夫睢州人萬歷八年進士授兗州推官徵授工科給事中嘗劾戎政尚書鄭洛不職及出關甘肅邊務洛方經畧西事主和戎汝華疏洛畏敵貽患且劾諸將吏侵軍資復請盡墾甘肅閒田還朝歷吏科都給事中多所糾擿尋遷太常少卿擢右僉都御史巡撫南贛稅使四出議括關津諸稅輸內府汝華以稅本餉軍力爭止之既而詔四方稅務盡領于有司以其半輸稅監進內府半輸戶部獨江西潘相勒有司悉由已輸汝華極論相違詔帝竟如相議而推行之四方汝華在贛十四年威惠甚著進秩

氏姓譜

卷八

四紙

李氏

三

兵部右侍郎名拜戶部左侍郎尚書趙世卿去位遂掌部事福王莊田四萬頃詔旨屢趣不能及額汝華數偕廷臣執爭僅減四之一及王旣之國詔許自遣使督租所在驛驛內使聞時詣汝州杖二人死汝華請遵祖制隸有司盡撤還使者不納畿輔山東大飢因汝華言出倉米平糶且發銀以振汝華復奏行救荒數事兩地賴之先是山東飢蠲歲賦七十萬是年盡蠲又百七十餘萬汝華以邊餉不繼請天下稅課未入內藏者暫留一年補其缺輔臣亦助爲言疏三上不報已進尙書四十六年鄭繼之去兼攝吏部事畿輔陝西大飢汝華請振皆不報遼東兵事興驟增餉三百萬汝華累請發內帑不得則借支南京部帑括天下庫藏餘積徵宿逋裁工食開事例而遼東巡撫周永春請益兵加賦汝華議天下田賦自貴州外畝增銀三釐五

毫得餉二百萬明年復議益兵增賦如前又明年四月兵部以募兵市馬工部以制器再議增賦于是畝增三釐爲銀百二十萬先後三增賦凡五百二十萬有奇遂爲歲額當是時內帑山積廷臣請發率不應計臣無如何遂爲一切苟且之計苛歛百姓而樞臣徵兵乃遠及蠻方致奢崇明安邦彥相繼反用師連年又割四川雲南廣西湖廣廣東所加之賦以餉之而遼餉仍不充天下已不可支矣汝華練達勤敏立朝無黨阿官戶部久于國計贏縮邊儲虛實與蓋漕屯牧諸大政皆殫心裁劑歲比不登意常主寬恤獨加賦之議不能力持馴致萬方虛耗內外交訖天啟元年得疾乞休加太子太保致仕卒諡恭敏

李棠長沙人由吏部郎中累遷右副都御史巡撫南贛督僉事諸察討平韶州山賊終南京吏部右侍郎仕宦三十

氏姓譜

卷八

四紙

李氏

三

年以介潔稱天啟初追諡恭懿

李遷字子安新建人嘉靖二十年進士隆慶四年官南京兵部右侍郎以左侍郎總督兩廣給事中光懋言兩廣向設提督事權畫一今兩巡撫相牽掣不便乃改遷提督兼巡撫廣東而特命殷正茂爲廣西巡撫後遂爲定制以平韋銀豹功加右都御史尋討惠潮山寇俘斬千二百餘級名爲刑部尚書引疾歸諡恭介遷出入中外三十年不妄取一錢年近七十母終廬墓

李材字孟誠豐城人尚書遂子也舉嘉靖四十一年進士授刑部主事素從鄒守益講學自以學未成乞假歸訪唐樞王畿錢德洪與問難隆慶中還朝由兵部郎中稍遷廣東僉事羅旁賊猖獗材襲破之周高山設屯以守賊有三巢在新會境調副總兵梁守愚由恩平遊擊王瑞由德慶

入身出肇慶中道夜半斬賊五百級燬廬舍千餘空其地
募人田之亡何倭五千攻陷雷白大掠而去材追破之石
城設伏海口向其遁而殲之奪還婦女三千餘會奸人引
倭自黃山間道潰而東材聲言大軍數道至以疑賊而返
故道迎擊盡殺之又追襲雷州倭至英利皆遁去降賊渠
許恩于陽江錄功進副使萬歷初張居正柄國不悅材遂
引疾去居正卒起官山東以才調遼東開原尋遷雲南洱
海參政進按察使備兵金騰金騰地接緬甸而孟養蠻莫
兩土司介其間叛服不常緬都曰曰大曩長曰散奪者率
數千人據其地材謂不收兩土司無以制緬遣人招兩土
司來歸而間討抗命夷阿坡居頃之緬遣兵爭蠻莫材合
兩土司兵敗緬衆殺大曩長逐散奪去緬帥莽應裏益兵
至孟養復擊沉其舟斬其將一人乃退有猛密者地在緬

氏姓譜

卷百六

四紙

李氏

七

境數爲緬侵奪舉族內徙有司居之戶碗至是緬勢稍屈
材資遣還故土亡何緬人驅象陣大舉復仇兩土司告急
材遣游擊劉天俸率把總寇崇德等出威緬渡金沙江與
孟養兵會遮浪迎擊之賊大敗生禽繡衣賊將三人巡撫
劉世曾總兵官沐昌祚以大捷聞詔令覆勘未上而材擢
右僉都御史撫治鄖陽材好講學遣部卒供生徒役卒多
怨又徇諸生請改參將公署爲學宮參蔣米萬春諷門卒
榆林等大謀馳入城縱囚毀諸生廬直趨軍門挾賞銀四
千洵洵不解居二日萬春脅材更軍中不便十二事令上
疏歸罪副使丁惟寧知府沈鈇等材隱忍從之惟寧責數
萬春萬春欲殺惟寧跳而免材遂復劾惟寧激變詔下鈇
等吏貶惟寧三官材還籍候勘時十五年十一月也御史
楊縉程勘萬春首亂宜罪大學士申時行庇之置不問旋

調天津善地去而材又以雲南事被訐遂獲重譴初有詔
勘征緬功巡按御史蘇鄧言斬馘不及千破城拓地皆無
驗猛密地尚爲緬據材天俸等虛張功伐副使陳巖之與
相附和宜並罪帝怒削世曾籍奪昌祚祿一年材嚴之天
俸俱逮下詔獄刑部尚書李世達左都御史吳時來大理
少卿李棟等當材天俸徒嚴之鑄秩帝不憚奪郎中御史
寺正諸臣俸典詔獄李登雲等亦解官于是改擬遣戍特
旨引紅牌說誑例坐材天俸斬嚴之除名大學士時行等
數爲解給事中唐堯欽等亦言材以夷攻夷功不可泯奏
報偶虛坐以死假合盡虛無實掩罪爲功何以罪之設不
幸失城池全軍不返又何以罪之帝皆不聽幽繫五年論
救者五十餘疏已天俸以善用火器釋令立功時行等復
爲材申理皆不省亡何孟養使入貢具言緬人侵軼天朝

氏姓譜

卷八

四紙

李氏

三

救援破敵有狀聞典兵者在獄衆皆流涕而楚雄士民間
世祥等亦相率詣闕訟寃帝意乃稍解命再勘勘至材罪
不掩功大學士王錫爵等再疏爲言帝故遲之至二十一
年四月始命戍鎮海衛材所至輒聚徒講學學者稱之見
羅先生繫獄時就問者不絕至戍所學徒益衆許孚遠方
巡撫福建日相過從材以此忘羈旅尋赦還卒年七十九
李頤字維貞餘干人隆慶二年進士授中書舍人博習典
故負才名萬歷初擢御史同官胡濬景嵩韓必顯給事中
雜遘相繼獲譴抗疏申救不聽清軍湖廣廣西請免士民
遠戍祇充傍近衛所軍制可忤張居正出爲湖州知府遷
蘇松兵備副使湖廣按察使鄖陽兵變知府沈錫且得罪
頤爲白其寃而密殲首亂者以母喪歸起故官蒞陝西進
河南右布政使擢右僉都御史巡撫順天進右副都御史

以定亂兵進兵部右侍郎長昂桀驁頤與總兵王保禽其
心腹小郎兒等七人賊遂讐已別部伯牙入寇督將士敗
之羅文略進左侍郎久之進右都御史時礦稅使四出馬
堂駐天津王忠駐昌平王虎駐保定張勝駐通州頤疏言
燕京王氣所鍾去陵寢近開鑿必損靈氣又言畿輔地荒
歲儉而敕使誅求不遺織眉恐臨清激變之恠復見輦轂
下已遼東稅使高淮誣劾山海同知羅大器頤復言內監
外僚初無統攝且遼陽礦稅何預薊門若皆效淮所爲有
司將無遺類陛下奉天之權制馭宇內今盡落宦豎手朝
奏夕報如響應聲縱所劾當罪尙非所以爲各何況無辜
暴加摧折皆不報頤在鎮十年威望大著中使憚頤廉正
讖民少安二十九年以工部右侍郎代劉東星管理河道
議上築決口下疏故道爲經久計甫兩月以勞卒贈兵部
氏姓譜

卷百六

四紙

李氏

五

尙書頤仕宦三十餘年做車贏馬布衣蔬食初爲御史首
請祀胡居仁于文廟寢未行見居仁裔孫希祖幼且貧字
以女養之于家弟謙早卒以已廕昇其子

李化龍字于田長垣人萬歷二年進士除嵩縣知縣年甫
二十胥吏易之化龍陰察其奸悉名置之法縣中大治遷
南京工部主事歷右通政使二十二年夏擢右僉都御史
巡撫遼東初總兵官李成梁破殺泰寧速把亥其子把兔
兒弟炒花據舊遼陽以北居兩河之中益結土蠻爲患其
年四月把兔兒圍遼陽朶顏小歹青福餘伯言兒分犯錦
義掠清細河巡撫韓取善坐免化龍受事甫兩月把兔兒
與伯言兒等寇鎮武約土蠻子卜言台周犯右屯把兔兒
先至吳家墳化龍與總兵官董一元定計先擊把兔伯言
兒伯言兒中流矢死把兔被傷卜言台周至攻右屯不利

亦解去于是把兔小友青小言台周益相結謀復前恥化龍與一元嚴備之一元又出塞搗巢有功而把兔傷重竟死邊塞讐服化龍進兵部右侍郎明年小友青悔禍款塞請開木市于義州且告柔顏長昂將犯邊已長昂果犯錦義副總兵李如梅擊却之友青言既信化龍遂許其請疏入從之化龍尋以病去木市亦停止其後總兵官馬林復議開市與巡撫李植相左論久不決小友青遂復爲寇云二十七年三月化龍起故官總督湖廣川貴軍務兼巡撫四川討播州叛臣楊應龍應龍之先曰楊鑑明初內附授宣慰使應龍性猜狠嗜殺數從征調恃功驕蹇知川兵脆弱陰有據蜀志間出荊州縣騷小妻田雖鳳讒殺妻張氏屠其家用誅罰立威所屬五司七姓不堪其虐走貴州告變巡撫葉夢熊疏請大征詔不聽逮繫重慶獄應龍詭將

氏姓譜

卷五

四紙

李氏

罕

兵征倭自效得脫歸復逮不出四川巡撫王繼光發兵討覆于白石應龍誘罪諸苗朝廷命邢玠總督值東西用兵勢未能窮治因招撫之應龍益結生苗奪五司七姓地並湖貴四十八屯以畀之歲出侵掠是年二月敗官軍于飛練堡都司楊國柱指揮李廷棟等皆死已復破殺綦江參將房嘉寵遊擊張良賢投屍蔽江下僞軍師孫時泰請直取重慶搗成都劫蜀王爲質而應龍遷延聲言爭地界冀曲赦如曩時化龍至成都徵兵未至亦謬爲好語糜之帝聞綦江破大怒追躡前四川貴州巡撫譚希思江東之職而場化龍劍假便宜討賊賊焚東坡爛橋梗湖貴路又焚龍泉走都司楊惟忠化龍劾諸大帥不用命者沈尙文逮治童元鎮劉純皆革職充爲事官諸軍大集化龍先檄水西兵三萬守貴州斷招苗路乃移重慶大誓文武明年二

月分八道進兵應龍以勁兵二萬屬其子朝棟曰爾破碁
江馳南川盡焚積聚彼無能爲也比抗諸路兵皆大敗應
龍頓足歎曰吾不用時泰計今死矣或言水西佐賊化龍
誥之安疆臣斬賊使二氏交遂絕烏江兵敗績遠下元鎮
于埋諸將益奮縱先入婁山關直抵海龍圍陳璘安疆臣
兵亦至賊勢急上圍死守遣使詐降化龍檄諸將斬使焚
書以縱與應龍有舊論無通賊縱械其人以自明入路兵
皆會圍下築長圍困之更番迭攻六月縱破土月二城應
龍窘與二妾俱縊明晨官軍入城七子皆被執詔磔應龍
屍並子朝棟于市自出師至滅賊凡百有十四日播自唐
乾符中入楊氏二十九世八百餘年至應龍而絕以其地
置遵義平越二府分屬川貴化龍初聞父喪以金草起復
至是乞歸終制三十一年四月起工部右侍郎總理河道

氏姓譜

卷夏

四紙 李氏

四

與淮揚巡撫李三才奏開淤河由直河入沭口抵夏鎮二
百六十里避黃河呂梁之險再以憂去未代叙前平播功
晉兵部尙書加少保廕一子世錦衣指揮使三十五年夏
起戎政尙書化龍以京營根本奏陳十一濫十二苦十九
宜又上屯政十二事皆置不理兵部自二十七年後左右
侍郎皆空署未幾尙書蕭大亨亦致仕化龍掌部事三十
七年正月京師詭言寇至民爭避匿邊民逃入都門者數
萬九門晝閉輔臣言兵部尙書惟一人何以應猝變帝不
報遼戰士二萬餘皆老弱稅監高淮肆虐遼人切齒化龍
請停稅課且增兵萬人又條上兵食款戰之策帝皆不報
一品秩滿加柱國少傅兼太子太保卒官年七十謚襄毅
贈少師加贈太師化龍具文武才播州之役以劉綎驕蹇
先摧挫之而薦其才故縱爲盡力開河之功爲漕渠永利

李成名字寔知太原衛人祖應時南京戶部員外郎以清白著成名舉萬曆三十二年進士授中書舍人擢吏科給事中疏陳銓政失平語侵尙書趙煥俄請釋纍臣滿朝薦言朝薦不釋則諸璫日肆國家患無已吏部侍郎方從哲中旨起官成名抗疏劾之並及其子恣橫狀從哲求去帝不許是時黨人日攻東林成名遂移疾歸家居五年起山東副使天啟初遷湖廣參政入爲太僕少卿四年春擢右僉都御史巡撫南贛魏忠賢以成名爲趙南星所用因所屬給由犯御諱除其名爲巡撫止八月士民祠祀焉崇正改元名拜戶部右侍郎以左侍郎專理邊餉京師戒嚴改兵部帝召對平臺區畫兵事甚悉數月而罷卒于家

李應昇字仲達江陰人萬曆四十四年進士授南康推官出無辜十九人于死寘大猾數人重辟士民服其公廉爲

氏姓譜

卷八

四紙

李氏

四

之謠曰前林後李清和無比謂晉江林學曾卒官南京戶部侍郎以清慎著稱者也九江南康間有柯陳二大族相僭陳友諒苗裔負固強梗嘗拒捕有司議兵之應昇單騎往諭皆叩頭聽命出所匿罪人一方以定天啟二年徵授御史謁假歸明年秋還朝時天子闇弱庶政怠弛應昇上疏報聞頃之復陳時政時不能用俄劾南京都御史王永光庇部郎范得志顛倒公論永光尋自引去四年正月疏陳外番內盜及小人三患議切近習魏忠賢惡之已復疏陳民隱言有十害宜急除五反宜急去帝爲戒飭所司京師一日地三震疏請保護聖躬速停內操忠賢領東廠好用立枷有重三百斤者不數日卽死先後死者六七十八應昇極言宜罷忠賢大恨應昇知忠賢必禍國密草疏列其十六罪將上爲兄所知攘其疏毀之怏怏而止楊漣劾

忠賢得嚴旨應昇憤卽抗疏繼之時魏廣徵方深結忠賢
爲之謀主知應昇譏已大恨萬燦之死也應昇極言廷杖
不可再士氣不可折譏切忠賢輩甚至已代高攀龍草疏
劾崔呈秀呈秀窘昏夜款門長跪乞哀應昇正色固拒舍
怒而去十月朔帝享廟頌歷廣徵後至爲魏大中等所糾
廣徵恚辨疏詆言者應昇復抗疏論之廣徵益怒謀之忠
賢將鐫秩首輔韓爌力救乃奪祿一年其月趙南星等悉
被逐朝事大變明年三月工部主事曹欽程劾應昇護法
東林遂削籍忠賢恨未已六年三月假李實劾周起元疏
入應昇名遂逮下詔獄酷掠坐贓三千尋于閏六月二日
斃之年甫三十四崇正初贈太僕卿錄一子後追謚忠毅
李應祥湖廣九谿衛人以武生從軍積功至廣西思恩參
將萬歷七年巡撫張任大征十寨應祥與有功卽其地設

氏姓譜

卷百六

四紙

李氏

四

三鎮築城列戍應祥方職營建會擢松潘副總兵當事者
奏留之以新秩泄舊任從總兵王尙文大破馬平賊韋王
明尋以署都督僉事入爲五軍營副將十三年改南京左
府僉事出爲四川總兵官松茂諸番列砦四十八歲爲吏
民患王廷瞻撫蜀時嘗遣副將吳子忠擊破丟骨人荒沒
舌三砦諸酋乃降故事番歲有賞賚番恃強要索無已其
來堡也有下馬上馬解渴過堡酒及熱衣氣力偏手錢成
軍更番亦奉以錢曰新班架梁放狗驪草掛綵延瞻一切
除之西陲稍靖僅六七年勢復猖獗是年夏楊柳番出攻
普安堡犯歸水崖石門坎遂入金瓶堡殺守將巡撫維遵
屬應祥討之提卒三千入茂州克一巖番恃險剽如故無
何遵罷徐元泰代檄諭之使三反番不應窺蒲江闕斷歸
水崖黃土坎道築牆五哨溝絕東南聲援見官軍少相顧

笑曰如此磨子兵奈我何磨子者謂屢旋轉而數不增也
其冬突乎夷堡掠良民刳其腸繞二牛角牛奔腸寸裂明
年正月遂圍蒲江闕燬燬雉堞守將朱文達出斬數千人
賊稍解東南路始通元泰決計大征諸路兵悉集乃命游
擊周于德將播州兵爲前鋒游擊邊之垣將西陽兵爲後
拒故總兵郭成將叙馬兵抗其吭參將朱文達將平茶兵
擊其脇而應祥居中節制參議王鳳監之應祥令軍中各
樹赤白幟一良民陷賊者徒手立赤幟下熟番不附賊者
徒手立白幟下卽免罪番雖多過急不相救國師喇嘛者
狡猾聯姻青海酋丙兔與灣仲占柯等刻木連大小諸姓
歃血詛盟至是邀灣仲占柯先犯歸化以嘗官軍于德誘
禽喇嘛灣仲守備曹希彬復擊斬占柯丟骨人荒沒舌三
砦若最強于德皆攻克復連破卜洞王諸砦文達成之垣亦

氏姓譜

卷百六

四紙

李氏

四

各拔數砦與于德軍合遂攻破蜈蚣兒諸巢嘉靖初之
垣祖輪以指揮討茹兒賊被殺漆其頭爲飲器及是六十
年之垣乃得之以還葬焉賊屢北窘悉棄輜重餽官軍官
軍不顧斬關入賊多死河東平尋渡河而西連破西坡西
草歪地乾溝樹底諸巢有小粟谷者首亂覘大軍西不設
備郭成夜襲之犬獲牛尾砦尤險惡將士三路夾攻火其
柵斬酋合兒結父子河西亦平諸軍得所積稞粟留十日
盡焚其砦以六月班師其逃窮谷者求偏頭結賽乞降應
祥令埋奴設誓然後許之埋奴者番人反接其奴獻軍前
譁天而誓卽牽至要路掘坎埋之露其首凡埋二十三人
偏頭結賽雅善天竺僧言歲在雞犬番行阨偏頭信之
預匿山谷中逸賊以爲神跡而拜求之故偏頭爲之請是
役也焚燬房千六百有奇生禽賊魁三十餘人俘馘以千

餘計自是發番震驚不敢爲患邊人樹碑記績焉建昌越
駕詣衛番徠雜居建昌逆酋曰安守曰五咱曰王大咱與
越駕邛部黑骨夷並起爲亂巡撫徐元泰議討徵兵萬八
千仍以文達之垣分將應祥統之副使周光鎬監其軍十
一月光鎬先渡瀘黑骨與大咱已據相嶺焚三峽橋五咱
等亦寇禮州德昌二所時徵兵未集光鎬先設疑以普相
嶺賊賊果退據桐槽桐槽者大咱巢穴也已而諸道兵盡
抵越駕應祥令文達攻五咱之垣攻大咱姑置黑骨夷弗
問夜半走三百里抵禮州賊半渡文達擊敗之遂渡河搗
其巢之垣亦屢破桐槽大咱亡入山峪中亡何五咱據磨
旗山挑戰官軍夾擊賊退保毛牛山山延袤六七百里連
大小西番界文達兵大破之五咱西遁與安守合結砦西
谿會所徵益井刺馬兵三千至爭躡跳躍類非人形諸番
氏姓譜

卷六

四紙

李氏

昱

所深畏應祥偵賊將劫營乃潛移已營而令刺馬兵屯其
處夜分賊來襲刺馬起擊之伏尸狼籍諸將遂進攻西谿
逐北至磨砦七板番連兵圍五咱而令裨將田中科營麥
達逼安守會謀者報守謀襲中科應祥夜飲材官高逢勝
三巨觥令率敢死士三百疾趨七十里抵麥達而伏守夜
至遇伏被禽守爲羣寇魁守殪西南邛笮苴蘭靡莫諸酋
皆震怖商山四堡番乞降于之垣大小七板番乞降于文
達各埋奴道左呼號頓首誓世世不敢叛五咱勢窮走昌
州亦爲裨將王言所獲土木安四兒者居連昌城中潛剽
掠于外至是知禍及率黨數百人走據虛郎溝諸軍旣滅
五咱應祥遣之北示將討黑骨者四兒遂弛備將士忽還
軍襲之獲四兒復討大咱初大咱敗匿所親普雄酋姑咱
所大軍至姑咱懼密告裨將王之翰之翰搜得大咱而黑

夷酋阿弓等七人在大孤山亦先爲之翰所禽于是建昌
越嶲諸番盡平上首功二千有奇撫降者三千餘人邛部
屬夷賦乃者地近馬湖其酋撒假與外兄安興木瓜夷白
祿雷坡賊楊九尔等數侵掠內地巡撫曾省吾議討之會
有都蠻之役不果乃建六堡益戍兵千二百人而諸蠻鴟
張如故及建越興師又藏納叛人元泰乃令都指揮李獻
忠等分勦賊詐降誘執獻忠等三將殺士卒數千人勢益
猖獗應祥等師旋元泰益徵播州西陽諸土兵合五萬人
令應祥督文達之垣及周于德諸將三道入故總兵郭成
亦從征十一月于德首敗白祿兵追至馬嶺山懸索以登
賊潰乘勢攻木瓜夷射殺白祿追至利濟山雪深數尺于
德先登復大敗賊燬其巢初撒假與九尔率萬人據山播
州兵擊走之至是文達復破之大田壩合于德兵追逐所
氏姓譜

卷百六

四紙

李氏

吳

向皆拔遼擊萬蓋躡擊撒假于鼠圍獲其妻子郭成復至
三寶山大戰生禽撒假安興據巢守文達鑿分道人獲其
母妻安興擲金于途以緩追者遂得脫已諸軍深入竟獲
之他夷猥畏威降者二千餘人悉獻還土田願修職貢兵
乃罷凡斬首一千六百九十餘俘獲七百三十有奇以其
地置屏山縣論功應祥加都督同知元泰亦至兵部尙書
當是時蜀中劇寇盡平應祥威名甚著御史傅需按部詰
應祥冒鑲應祥賄以千金爲所奏罷職兵部舉應祥僉書
南京右府給事中薛三才持不可二十八年大征播州貴
州總兵官童元鎮逗遛總督李化龍劾之薦應祥代時分
兵入道貴州分烏江興隆二道詔元鎮充爲事官由烏江
大應祥由興隆入諸道尅二月望進兵應祥未受事副將
陳寅等已連克數圍拒賊四牌高圍下別遣兵從間道直

揭龍水圍他將蔡兆吉又自乾坪祇箐岡過四牌賊首謝朝俸營其地四面峭壁深箐前二關賊從高鼓譟官軍殊死戰俘朝俸妻子乘勢抵河畔會烏江敗書聞歛兵不進者旬日及應祥受任益趣諸將急渡寅等乃取他道渡河而潛爲浮橋以濟師諸軍渡賊失險乞降者相繼應祥悉受之賊所恃止黃灘一關壁立衆死守會賊徒石勝俸等率萬餘人降告曰去黃灘三十里有三關入播門戶也先襲破之則黃灘孤難守應祥然其計合偕陳寅率精卒四千夜抵關下勝俸以數十騎誘開門殲其戍卒黃灘賊懼寅督諸將渡河攻關前勝俸由墳林暗渡襲關後賊乃大敗應祥直抵海龍圍合諸道兵共滅楊應龍禡旣平還鎮銅仁明年改鎮四川播遣賊吳洪盧文秀等惡有司法嚴而遵義知縣蕭鳴世失衆心洪等遂稱應龍有子聚衆爲

民姓譜

卷八

四紙

李氏

三

亂應祥偕副使傅光宅捕之盡獲應祥尋卒于官以平播功贈左都督世蔭千戶應祥爲將謀勇兼資所至奏績平蜀三大寇功最多

李繼貞字徵尹太倉州人萬歷四十一年進士除大名推

官歷遷兵部職方主事天啟四年秋典試山東坐試錄刺

魏忠賢降級已而削籍崇正元年起武選員外郎進職方

郎中時軍書旁午職方特增設郎中協理司事繼貞幹用

精敏尙書黨明遇深倚信之曰副將以下若推擇我畫諾

而已四年孔有德反山東明遇主撫繼貞疏陳不可且請

調關外兵入勦明遇不能從後訖用其言滅賊初延綏盜

起繼貞請發帑金用董搏霄人運法糴米輸軍前且令四

方贖銀及捐納事例者輸粟于邊以撫飢民又言兵法撫

勦並用非撫賊也撫飢民之從賊者耳今斗米四錢已從

賊者猶少未從賊而勢必從賊者無窮請如神廟時遣御史振濟故事齎三十萬石以往安輯飢民使不爲賊以孤賊勢帝感其言遣御史吳姓以十萬金往繼貞少之帝不聽後賊果日熾繼貞爲人強項在事情執請謁不得行大學士周延儒繼貞同年生屬總兵官于繼貞繼貞瞠目謝曰我不奉命必獲罪刑部獄甚寬可容繼貞也延儒銜之已加尙寶寺卿當遷帝輒合久任田貴妃父宏遇以坐門功求優叙不獲屢疏詆譏繼貞帝不聽中官曹化淳欲用私人爲把總繼貞不可乃囑戎政尙書陸完學言于尙書張鳳翼以命繼貞繼貞亦不可鳳翼排繼貞議而用之化淳怒與宏遇日伺其隙譏之帝坐小課貶三秩會叙甘肅功繼貞請起用故巡撫梅之煥帝遂發怒削繼貞籍已論四川桃紅壩功復官致仕十一年用薦起歷兩京尙寶卿明

氏姓譜

卷六

四紙

李氏

四

右都御史官一子

李國楷字元治高陽人萬歷四十一年進士由庶吉士歷官詹事天啟六年七月超擢禮部尙書入閣釋褐十四年卽登宰輔魏忠賢以同鄉故援之也然國楷每持正論劉志選劾張國紀以撼中官國楷言子不宜佐父難母而况無間之父母乎國紀乃得免罪御史方震孺及高陽令唐紹堯繫獄皆力爲保全崇正初以登極恩進左柱國少師兼太子太師吏部尙書中極殿大學士國子監生胡煥猷

劾國樞等褫衣冠國樞薦復之時人稱爲長厚元年五月得請歸里薦韓爌孫承宗自代卒贈太保諡文敏

李世祺字壽生青浦人天啟二年進士授行人崇正三年

擢刑科給事中陳大計之當定者二曰兵食之計民生之

計大弊之當釐者三曰六曹之弊在吏胥邊吏之弊在欺

隱貪墨之弊在奢靡夏旱禱雨未應乃進修政之說三曰

恤畿甸議催科預儲備帝並納之中官出鎮世祺上言祖

宗立法錢穀兵馬軍民各分事權防專擅內閣入奉天顏

出司兵食內廷意旨既得而陰伺之外廷事權又得而顯

操之魏忠賢盜弄神器則賴聖天子躬剪除之而奈何復

躬自蹈之不聽五年八月淫雨損山陵昌平地動世祺上

言帝以借端瀆奏切責之給事中陳贊化劾周延儒謂延

儒嘗語人曰今上義皇上人也此成何語臣聞之世祺帝

氏姓譜

卷百六

四祗 李氏

兒

語世祺則言聞之贊化帝詰責者再三世祺執如初乃已

至是論溫體仁絕世之奸大貪之尤遂貶官久之起行人

司副屢遷太僕寺卿遣祭魯王事竣旋里國變杜門不出

久之卒

李慶辰字元居睢州人崇正元年進士授庶吉士改兵科

給事中時盜起陝西山東曹濮間之盜道梗三百餘里河

北有狃賊夢辰歷陳其狀請勅將吏急防五年上疏帝命

所司嚴飭六年冬鉅盜盡萃河北慶辰慮其南犯請勅河

南諸道監司急防渡口而巡撫移駐衛輝與山西保定二

撫臣特角相擊帝方下兵部議賊已從灑池潛渡自是中

州郡縣無日不告警矣累遷本科左給事中復言將驍軍

悍鄧玘張外嘉之兵弑主而叛曹文紹艾萬年之兵望賊

而奔九世威徐來朝之兵離汎而遁今者張全昌趙光遠

之兵且倒戈爲亂矣。陳澤劫庫殺人，偃師列營對壘，且全昌等會勦豫賊，隨處延遇。及中途兵變，全昌竟東行。光遠始西向驕抗，如此安可不重治？帝頗采其言，進吏部都給事中。都御史唐濟世薦霍維華，福建巡按應喜臣薦周維京，冀並翻逆案。夢辰疏駁之。世濟喜臣皆下吏，譎戾擢太常少卿，累遷至通政使。坐代人劄章奏，貶秩。調任未幾，有持金囑中書舍人某賄大學士，求爲副都御史者。遷卒，廉得之，詞連夢辰。帝令夢辰自奏事，得白。然夢辰竟坐是劄籍十五年。春賊攻開封不克，遂去。陷西華，屠陳州，逼睢州。時州缺，正官夢辰歸，即乘城主守，無何賊從他門入，擁夢辰見羅汝才。汝才問所欲，曰：我大臣，但欲死爾。汝才去遣其客說降，且進之酒。夢辰覆杯于地，太息起扼吭而卒。

李邦華字孟閣，吉水人。受業同里鄉元標，與父廷諫同舉氏姓譜。卷百六。四紙。李氏。年。

萬曆三十一年鄉試，父子自相鏃礪，布衣徒步赴公車。明年邦華成進士，授涇縣知縣，有異政，行取，擬授御史。值黨論初起，朝士多諫顧憲成，邦華與相拄，遂指目邦華。東林以是越二年而後拜命。陳法祖用人十事疏，上不報。四十二年，福王之藩，已有期，忽傳旨莊田務足四萬頃。廷臣相顧愕眙，計田數必不足，則期將復更，然無敢抗言爭之者。邦華首疏諫，廷臣乃相繼爭，期得無易。巡視銀庫上祛弊十事中，貴不便格不行。巡按浙江織造中官劉成死，命歸其事于有司，別遣中官呂貴錄成遺賫，貴嗾奸民紀光詭稱機戶詣闕，保留貴代成督造，邦華極論二人交關作奸罪，光疏不由通政不下內閣，以中旨行之。邦華三疏爭，皆不報。是時神宗好貨，中官有所進奉，名爲孝順，疏中刺及之，並劾左右大奄之黨貴者。于是期滿久不得代。四十四

年引疾歸時羣小力排東林指鄒元標爲黨魁邦華與元標同里相師友又性好別黑白或勸其委蛇邦華曰寧爲偏枯之學問不作反覆之小人聞者益嫉之明年以年例出爲山東參議其父廷諫時爲南京刑部郎中亦罷歸邦華乃辭疾不起天啟元年起故官飭易州兵備明年遷光祿少卿卽還家省父四月擢右僉都御史代畢自巖巡撫天津軍府新立庶務草創邦華至極力振飭津門軍遂爲諸鎮冠進兵部右侍郎復還家省父四年抵京奄黨大譁謂樞輔孫承宗以萬壽節入覲將清君側惡邦華實名之乃立勒承宗還鎮邦華引疾去明年秋奄黨劾削其官崇正元年四月起工部右侍郎總督河道尋改兵部協理戎政還朝名見旋知武會試事竣入營故事冬至郊列隊扈蹕軍八萬五千人至長增至十萬有奇時方郊總督勳臣

氏姓譜

卷真

四紙

李氏

五

缺邦華兼攝其事所設雲輦龍旌寶蠹金鼓旗幟甲冑劍戟煥然一新帝悅明年春幸學亦如之命加兵部尙書時戎政大壞邦華先陳更操法慎揀選改戰車精火藥專器械責典守節金錢酌兌馬練大礮九事帝亦報可著爲令帝知邦華忠奏無不從邦華亦感帝知不顧後患諸失利者銜刺骨而怨謗紛然矣其年十月畿輔被兵簡精卒三千守通州二千援薊州自督諸軍營城外軍容甚壯俄有命邦華軍撤還守陣于是偵者不敢遠出聲息遂斷則請防寇賊緝間謀散奸宄禁僞言邦華自聞警衣不解帶捐貲造礮車及諸火器又以外城單薄自請出守而諸不逞之徒乃構蜚語入大內襄城伯李守錡督京營亦銜邦華扼已乘間詆謫邦華自危上疏陳情歸命于帝會滿桂拒大清兵德勝門外城上發大礮助桂悞傷桂兵多都察院

都事張道澤遂劾邦華言官交章論列遂罷邦華間住自
是代者以爲戒率因循姑息戎政不可問矣邦華前後罷
免家居二十年父廷諫無恙十二年四月起南京兵部尚
書定營制汰不急之將並分設之營謂守江南不若守江
北防下流不若防上流乃由浦口歷滁全椒和相形勢繪
圖以獻于浦口置沿江敵臺于滁設戍卒于池河建城垣
于滁椒咽喉則築堡于藕塘和遭屠戮請以隸之太平又
請開府采石之山置哨太平之港大壘當塗開田數萬頃
資軍儲徐州南北要害水陸交會請宿重兵設總督片檄
徵調莫陵京萬全之勢皆下所司未及行以父憂去十五
年冬起故官掌南京都察院事俄代劉宗周爲左都御史
都城被兵卽日請督東南援兵入衛力疾上道明年三月
抵九江左良王潰兵數十萬聲言餉乏欲寄帑于南京儼
氏姓譜

卷五

四紙

李氏

五

釐蔽江東下留都士民一夕數徙文武大吏相顧愕眙邦
華嘆曰中原安靜土東南一角耳身爲大臣忍坐觀決裂
袖手局外而去乎乃停舟草檄告良玉責以大義良玉氣
沮答書語頗恭邦華用便宜發九江庫銀十五萬餉之而
身入其軍開誠慰勞良玉及其下皆感檄誓殺賊報國一
軍遂安帝聞之大喜陞見嘉勞邦華跪奏移時數詔起立
溫語如家人中官屏息遠伏其後名對百官帝輒目注邦
華云舊例御史出巡回道考核邦華謂回道而後黜害政
已多論罷巡按巡盜御史各一人奉命考試御史黜旨濫
者一人追黜御史無顯過而先任推官著貪聲者一人臺
中始畏法十七年二月李自成陷山西邦華密疏請帝固
守京師倣永樂朝故事太子監國南都居數日未得命又
請定永二王分封太平寧國二府拱護兩京帝得疏意動

繞殿行且讀且歎將行其言會帝名對羣臣中允李明瞻
疏言南遷便給車中光時亨以倡言洩密糾之帝曰國君
死社稷正也朕志定矣遂罷邦華策不議未幾賊逼都城
亟詣內閣言事魏藻德漫應曰姑待之邦華太息而出已
率諸御史登城羣奄拒之不得上十八日外城陷走宿文
信國祠明日內城亦陷乃三揖信國曰邦華死國難請從
先生于九京矣爲詩曰堂堂丈夫今聖賢爲徒忠孝大節
兮誓死靡渝臨危授命兮吾無愧吾遂投繯而絕贈太保
吏部尚書諡忠文

李卑字倚平榆林人由千總擢守備天啟初總督王象乾
設薊鎮車營五以卑爲都司僉書統西協後車營遷山海
關游擊坐事罷歸崇正二年陝西巡撫劉廣生議討延慶
回賊三道進兵命卑與游擊伍維藩等由西路入卑簡精
氏姓諫

卷六

四紙

李氏

五

騎二百追擊兩晝夜行四百里抵保安寧塞連破之其獲
首功一千有奇旋起延安叅將時羣盜蜂起延安尤甚卑
連敗之富家灣松樹屯四年神一元陷保安卑與寧夏總
兵賀虎臣守延安賊不敢犯尋擢孤山副總兵譚雄陷延
安塞據其城卑與王承恩擊降雄戮之斬首五百三十餘
級五年春混天猴陷宜君鄜州其夏攻合水卑及參將馬
科追至甘泉山七月破之延水關斬首六百二十餘級其
地東限黃河賊溺死者無算科部卒斬混天猴以獻初卑
及游擊吳國俊等斬賊魁三人于甘泉橋子溝尋勦賊固
原斬其魁薛仁貴等三人時陝西賊多流入山西詔卑及
賀人龍各率部卒千隸總督張宗衡麾下會王自用陷遼
州聞官兵至棄城走六年春諸軍入城多殺良民冒功卑
獨嚴戢其下無所擾已敗賊陽城之郎冢山又與夏萬年

連敗之南獨泉土河村復敗之荒堰村賊入濟源山中巡
撫許鼎臣檄卑萬年合勦卑破之天井關七月陸洮總兵
曹文詔敗大同命卑代署其事協討河北賊加都督僉事
數有功其冬賊盡走河南命卑援勦七年春敗賊內鄉馳
至光化與楚兵敗賊蓮花坪白溝坪實授臨洮總兵官討
賊湖廣賊多聚鄖襄總理盧象昇方倚卑辦賊六月卒于
官卑善持紀律所至軍民安堵爲人有器度當倉猝時鎮
靜如常贈右都督賜祭葬

李信圭字君信泰和人洪熙時舉賢良授清河知縣縣瘠
而衝官艘日相銜役夫動以千計前令請得沐陽五百人
爲助然去家遠艱于衣食信圭請免其助役代輸清河浮
征三之二兩邑便之俗好發塚縱火信圭設教戒十三條
令里民書于牌月朔望儆戒之且令書其民勤惰善惡以
氏姓譜

卷百六

四紙

李氏

晉

聞俗爲之變宣德三年上疏言本邑地廣人稀地當衝要
使節繹絡日發民挽舟丁壯旣盡役及老穉妨廢農桑前
年兵部有令公事急者舟予五人緩者則否今此令不行
役夫無限有一舟至四五十人者凶威所加誰敢詰問或
遇快風步追不及則官舫人役沒其所齎衣糧俾受寒餓
乞申明前令哀此憚人從之八年春又言自江淮達京師
沿河郡縣悉令軍民挽舟若無衛軍則民夫盡出有司州
縣歲發二三千人晝夜以俟而上官又不分別雜泛差役
一體派及致土田荒蕪民無蓄積稍遇歉歲輒老穉相攜
緣道乞食實可憫傷請自儀真抵通州盡免其雜徭俾得
盡力農田兼供夫役帝亦從之自是他郡亦蒙其澤正統
元年用侍郎章徹薦擢知蘄州清河民詣闕乞留命以知
州理縣事民有湖田數百頃爲淮安衛卒所奪民代輸租

看六十年信圭奏之詔還民飢民糶食人一牛御史論死
入人信圭奏之免六人天久雨淮水大溢沒廬舍畜產甚
眾信圭奏請振貸並停歲辦物件及軍匠厨役濟河人夫
報可南北往來道死不整者信圭爲三大塚瘞之十一年
冬尙書金謙薦擢處州知府其在清河已二十二年矣處
州方苦旱信圭至輒雨未幾卒于官清河民爲立祠祀之
李驥字尙德鄉城人舉洪武二十六年鄉試入國學居三
年授戶科給事中時闕市譏商旅發及囊篋驥奏止之尋
坐事免建文時薦起新鄉知縣招流亡給以農具復業者
數千人內艱去官民相率奏留者數四不許永樂初服闋
改知東安事有病民輒奏于朝罷免之有妾婦子鬻死訴
于驥驥禱城隍神深自咎責明且狼死于其所侍郎李昶
等交薦擢刑部郎中奏陳十餘事多見採納坐累謫役保

氏姓譜

卷百六

四紙

李氏

五

安洪熙時有詔求賢薦爲御史陳經國利民十事仁宗嘉
納宣德五年巡視倉場軍高祥盜倉粟驥執而鞠之祥父
妾言祥與張貴等同盜驥受貴等賄故獨罪祥刑部侍郎
施禮遂論驥死驥上章自辨帝曰御史旣禽盜安肯納賄
命偕都察院再訊驥果枉帝乃切責禮而復驥官其年十
一月擇廷臣二十五人爲郡守奉敕以行驥授河南知府
肇慶則給事中王瑩瓊州則戶部郎中徐鑑汀州則禮部
員外郎許敬軒寧波則刑部主事鄭恪撫州則大理寺正
王昇後皆以政績著河南境多盜驥爲設火甲一戶被盜
一甲償之犯者大署其門曰盜賊之家又爲勸教文振木
鐸以徇之自是人威改行道不拾遺郡有伊王府王素請
屬不從中官及校卒虐民又爲驥所抑恨甚及冬至令驥
以四更往陪位行禮及驥如期往誣驥後期執而桎梏之

次日乃釋驥奏聞帝怒貶書讓王府中承奉長史典儀悉
逮置于理驥持身端恪晏居雖几席必正蒞郡六年卒年
七十士民赴弔咸哭失聲

李湘字永懷秦和人永樂中由國子生理刑都察院以才
擢東平知州常祿外一無所取訓誡吏民若家人然城東
有大村壩源出岱嶽雨潦輒爲民患奏發丁夫隄之州及
所轄五邑地多荒蕪力督民墾闢公私皆實會舊官還任
將解去民羣乞于朝帝從其請成祖晚年數北征合山東
長吏督民轉餉道遠多死亡惟東平人無失所奸人誣湘
苛歛民財許于布政司縣民千三百人走訴巡按御史暨
布按二司力白其冤耆老七十人復奔伏闕下發奸人誣
陷狀及布政司繫湘入都又有耆老九十人隨湘訟冤通
政司以聞下刑曹閱實乃復湘官而抵奸人于法蒞州十
餘年至正統初詔大臣舉郡守尙書胡濙以湘應遂擢懷
慶知府東平民扶老攜幼泣送數十里懷慶有軍衛素挾
勢厲民湘隨時裁制皆不敢犯居三年卒

李承箕字世卿嘉魚人成化二十二年舉鄉試往師陳獻
章獻章日與登涉山水投壺賦詩縱論古今事獨無一語
及道久之承箕有所悟辭歸隱居黃公山不復仕與兄進
士承芳皆好學稱嘉魚二李卒年五十四

李夢陽字獻吉慶陽人父正官周王府教授徙居開封母
夢日墮懷而生故名夢陽宏治六年舉陝西鄉試第一明
年成進士授戶部主事遷郎中權關格勢要構下獄得釋
十八年應詔上書陳二病三害六漸凡五千餘言極論得
失未言壽寧侯張鶴齡招納無賴罔利賊民勢如翼虎鶴
齡奏辨摘疏中陛下厚張氏語誣夢陽訕母后爲張氏罪

氏姓譜 卷五 四 李氏 五

當斬時皇后有寵后母金夫人泣懇帝帝不得已繫夢陽于錦衣獄尋宥出奪俸金夫人懇不已帝不聽召鶴齡開處切責之鶴齡免冠叩頭乃已左右知帝護夢陽請毋重罪而予杖以洩金夫人憤帝又弗許謂尚書劉大夏曰若輩欲以杖斃夢陽耳吾寧殺直臣快左右心乎他日夢陽途遇壽寧侯晉之擊以馬箠墮二齒壽寧侯不敢校也孝宗崩武宗立劉瑾等入虎用事尚書韓文與其僚語及而泣夢陽進曰公大臣何泣也文曰奈何曰比言官劾羣奄閣臣持其章甚力公誠率諸大臣伏闕爭閣臣必應之去若輩易耳文曰善屬夢陽屬草會語洩文等皆逐去瑾深恨之矯旨謫山西布政司經歷勒致仕既而瑾復撫他事下夢陽獄將殺之康海爲說瑾乃免瑾誅起故官遷江西提學副使令甲副使屬總督夢陽相與抗總督陳金惡之

氏姓譜

卷頁

四紙

李氏

七

監司五日會揖巡按御史夢陽又不往揖救諸生毋謁上官卽謁長揖毋跪御史江萬實亦惡夢陽淮王府校與諸生爭夢陽笞校王怒奏之下御史按治夢陽恐萬實右王許萬實詔下總督金行勸金檄布政使鄭岳勸之夢陽僞撰萬實劾金疏以激怒金並構岳子沄通賄事寧王宸濠者浮慕夢陽嘗請撰陽春書院記又惡岳乃助夢陽劾岳萬實復奏夢陽短及僞爲奏章事參政吳廷舉亦與夢陽有隙上疏論其侵官不俟命徑去詔遣大理卿燕忠往鞠名夢陽羈廣信獄諸生萬餘爲訟寃不聽劾夢陽陵轍同列禁制上官遂以冠帶閒住去亦褫岳職謫戍沄奪廷舉俸夢陽旣家居益跼弛負氣治園池招賓客日縱俠少射獵繁臺晉卽間自號空同子名震海內宸濠反誅御史周宣劾夢陽黨逆被逮大學士楊廷和尚書林俊力救之坐

前作書院記削籍頃之卒子枚進士夢陽才思雄鷲卓然以復古自命宏治時宰相李東陽主文柄天下翕然宗之夢陽獨譏其萎弱倡言文必秦漢詩必盛唐非是者弗道與何景明徐正卿邊貢朱應登顧璘陳沂鄭善夫康海王九思等號十才子又與景明正卿貢海九思王廷相號七才子皆卑視一世

李瀛字川父祥符人舉正德八年鄉試第一明年成進士授沔陽知州稍遷寧波同知擢山西僉事嘉靖五年以大計免歸年纔三十有八瀛少負俊才時從俠少年聯騎出城搏獸射雉酒酣悲歌慨然慕信陵君侯生之爲人一日作理情賦友人左國璣持以示李夢陽夢陽大嗟賞訪之吹臺瀛自此聲馳河雒間既罷歸益肆力于學遂以古文名于時初愛知夢陽後不屑附和里居四十年著述甚富

氏姓譜

卷八

四紙

李氏

五

李開先字伯華章邱人與陳東同年進士官至太常少卿性好蓄書李氏藏書之名聞天下

李攀龍字于鱗歷城人九歲而孤家貧自奮于學稍長爲諸生與友人許邦才殷士儵學爲詩歌已益厭誦誥學日讀古書里人共目爲狂生舉嘉靖二十三年進士授刑部主事歷員外郎郎中稍遷順德知府有善政上官交薦擢陝西提學副使鄉人殷學爲巡撫檄屬文攀龍怫然曰文可檄致邪拒不應會其地數震攀龍心悸念母思歸遂謝病故事外官謝病不再起吏部重其才用何景明例特予告歸予告者例得再起攀龍既歸構白雪樓名日益高賓客造門率謝不見大吏至亦然以是得簡傲聲獨故交殷許輩過從靡間時徐中行亦家居坐客恒滿二人間之交相得也歸田將十年隆慶改元薦起浙江副使改參政擢

河南按察使攀龍至是摧亢爲和賓客亦稍稍進無何奔
母喪歸哀毀得疾疾少間一日心痛卒攀龍之始官刑曹
也與濮州李先芳臨清謝榛孝豐吳維岳輩倡詩社王世
貞初釋褐先芳引入社與攀龍定交明年先芳出爲外吏
又二年宗臣梁有譽入是爲五子未幾徐中行吳國倫亦
至乃改稱七子諸人多年少才高氣銳互相標榜視當世
無人七才子之名播天下擯先芳維岳不與已而榛亦破
擯攀龍遂爲之魁其持譎謂文自西京詩自天寶而下俱
無足觀于本朝獨推李夢陽諸子翕然和之非是則詆爲
宋學攀龍才思勁警名最高獨心重世貞天下並稱王李
又與李夢陽何景明稱何李王李其爲詩務以聲調勝所
擬樂府或更古數字爲已作文則聳牙戟口讀者至不能
終篇好之者推爲一代宗匠亦多受世抉摘云自號滄涼

氏姓譜

卷八

四紙

李氏

五

李維楨字本寧京山人父裕福建布政使維楨舉隆慶二
年進士由庶吉士授編修萬歷時穆宗實錄成進修撰出
爲陝西右參議遷提學副使浮湛外僚幾三十年天啟初
以布政使家居年七十餘矣會朝議登用者舊名爲南京
太僕卿旋改太常未赴聞諫官有言辭不就時方修神宗
實錄給事中薛大中特疏薦之未及用四年四月太常卿
董其昌復薦之乃召爲禮部右侍郎甫三月進尙書並在
南京維楨緣吏事起用乃館中諸臣憚其以前輩壓已不
令入館但起遷其官維楨亦以年衰明年正月力乞骸骨
去又明年卒于家年八十崇正時贈太子太保維楨弱冠
登朝博聞強記與同館許國齊名館中爲之語曰記不得
問老許做不得問小李維楨爲人樂易濶達賓客雜進其
文章宏肆有才氣海內請求者無虛日能屈曲以副其所

望碑版之文照耀四裔門下士招富人大賈受取金錢代爲請乞亦應之無倦負重名垂四十年然文多率意應酬品格不能高也

李茂澄城諸生也母患惡瘡茂口吮膿血夜則叩天祈代及卒結廬墓旁朝夕悲泣天大雨懼衝其墓伏墓而哭兩止乃已父卒廬墓如之成化二年旌二子表森森爲國子生茂卒兄弟同廬于墓宏治五年旌表子俊亦國子生表卒俊方弱冠廬墓終喪母卒亦如初正德四年旌

李德成涑水人幼喪父元末年十二隨母避寇至河濱寇躡迫母投河死德成長娶婦王氏搏土爲父母像與妻朝夕事之方嚴冬大雪冰堅至河底德成夢母曰我處冰下寒不得出覺而大慟且與妻徒跣行三百里抵河濱卧冰七日冰果融數十丈恍惚若見其母而他處堅凍如故父氏姓譜

卷八

四紙

李氏

六

之乃歸洪武十九年舉孝廉累擢尚寶丞二十七年旌爲孝子建文中燕兵逼濟南德成往諭令還兵燕兵不退德成歸以辱命下吏尋釋之永樂初復官累遷陝西布政使李文詠崑山諸生父大經沂水知縣萬歷二十七年父寢室被火文詠突入將父抱出而椽棟盡覆父子俱焚死火息入視屍猶覆其父父存全體文詠但餘一股

李時珍字東璧蘄州人好讀書醫家本草自神農所傳止三百六十五種梁陶宏景所增亦如之唐蘇恭增一百一十四種宋劉翰又增一百二十種至掌禹錫唐慎微輩先後增補合一千五百五十八種時稱大備然品類旣煩名稱多雜或一物而析爲二三或二物而混爲一品時珍病之乃窮搜博採芟煩補闕歷三十年閱書八百餘家稿三易而成書曰本草綱目增藥三百七十四種釐爲一十

六部合成五十二卷首標正名爲綱餘各附釋爲目次以
集解詳其出產形色又次以氣味主治附方書成將上之
朝時珍遽卒未幾神宗詔修國史購四方書籍其子建元
以父遺表及是書來獻天子嘉之命刊行天下自是士大
夫家有其書時珍官楚王府奉祠正子建中蓬溪縣知縣
李貞佐字無欲安邑人少受業同里曹于汴之門以學行
著後舉于鄉崇正十四年除知郊縣初李自成焚掠至郊
士寇導之害前合郛可灼貞佐至則練鄉兵括土寇財充
餉時出郊勞耕者月課士邑有姊妹二人抗賊死拜其塚
祀以少半民王錫允有孝行造廬禮之士民大悅明年二
月自成復來寇貞佐集衆死守汝州吏曰顧王家仁和人
撫賊有功當遷汝人乞留以助之城陷貞佐走拜其母曰
兒不忠不孝陷母至此有勸微服遁者不可賊執之去大

氏姓譜

卷具

四紙

李氏

六

罵見賊殺人輒厲聲曰驅百姓固守者我也妄殺何爲賊
割其舌支解而死母喬亦死友人王昱相隨不去賊義之
昱收葬貞佐于南郊歲寒食鄉人傾邑祭奠廣其冢至二
畝餘贈河南僉事

李偉字世奇灤縣人神宗生母李太后父也兒時嬉里中
有羽士過之驚語人曰此兒骨相當位極人臣嘉靖中偉
夢空中五色彩輦旌幢鼓吹導之下寢所已而生太后避
警攜家入京師居久之太后入裕邸生神宗隆慶改元立
皇太子授偉都督同知神宗立封武清伯再進武清侯太
后能約束其家偉嘗有過太后名入宮切責之不以父故
訕祖宗法以是偉益小心畏慎有賢聲萬歷十一年卒贈
安國公諡莊簡子文全嗣

李嘉宛平縣人幼立志事父母盡孝始爲奉祠所禮生永

樂初以守城功授鴻臚序班陞通政司參議官至禮部侍郎嘉持身端謹剛方嚴毅人不敢干以私

李孟璿海塩人祖元白以賢良起家嘉興副總管清白著吏績孟璿永樂中以經明行修被薦歷嘉興汝寧訓導所著有南庄集弟仲璣季衡皆有文行季衡有西溪集子景子孟景孟子滂俱知縣

李時勉名懋以字行安福人永樂中甲申進士選庶吉士除刑部主事預修實錄改翰林侍讀嘗陳時政十五事洪熙初改監察御史宣德初復舊官尋陞學士正統中選國子祭酒教規嚴整士類多所造就存心不愧古人所著書甚多學者稱爲古廉先生卒諡文毅鄉學祠之

李田字舜耕嘉魚人景泰甲戌進士歷戶部郎中成化初督餉征蜀有功擢廣東左參議南海夷叛躬抵巢穴懇切氏姓譜 卷五 四紙 李氏 六

開諭夷皆效順進左參政閱歲辦綵幣除墨印之弊累遷副都御史巡撫京畿歲飢發廩振之嘗建議增漕以足邊餉嚴令以警邊烽給財以市戰馬設法以完隊伍專在以責成功立禁以息罷訟皆允行之中官汪直用事怒田不私謁遂歸或林以福無懼色

李承芳字茂卿嘉魚人幼穎敏生七月以筋畫灰作土地二字年十四伯父中丞田指鄉富貴者示之曰見志及此乎對曰富貴不淫貧賤樂兒志也成化庚戌舉進士授大理寺評事無鮮裘良馬嘗謂主簿楊循吉曰予得俸三十緡可溍而南矣及陞寺副遂謝病歸與其弟承箕隱黃公山講學賦詩論治以教化爲本雖蔬食屢空不悔

李瓚臨汾人成化間屨任屬歲大飢檄屬縣儲蓄備振每歲春散而冬斂之以故民無轉徙者又漳衛二水潑紆郡

邑公力建浮艘四民乃不病涉當去治兩長河決長垣東
明間公築長堤延袤二十五里旁植榆柳數萬株沿堤置
鋪大遇浸輒補葺而元城亦築衛河堤工費相等世享其
利百姓有不事生業犯法者督令紡織遠近革化父老言
李公在任十有二年百姓忘分若家人父子云

歷代列女

李文姬東漢李固以梁冀肆惡知不免遣子基茲爨歸鄉
里爨年十三姊文姬爲同郡趙伯英妻密謀豫匿託言還
京師人不之覺有頃難作州郡收基茲皆死獄中文姬乃
告其父門人王成曰君執義先公有古人之節今妾委君
以六尺之孤李氏存誠其在君矣成保全之將爨乘江東
下入徐州界變姓名爲酒家傭而成賣卜于市各爲異人
陰相往來積十餘年梁冀誅乃還鄉里追行喪服姊弟相
氏姓譜 卷百六 四紙 李氏 三

見悲感旁人桓帝詔求固後得爨焉

李娥孝女也吳人父文帝時爲鉞官治以鑄軍器一夕鍊
金竭爐而金不出時吳方草創法令至嚴諸耗折官物十
萬卽坐斬仍又沒入其家而娥父所損折數過千萬娥年
十五痛傷之因火烈遂自投于爐中赫然屬天于是金液
沸湧溢于爐口娥所躡二履浮出于爐身則化矣其金汁
因塞爐而下遂成溝渠泉注二十里入于江水其所收金
凡億萬斤溝渠中鉄至今仍存故吳俗每治銅鉄必先爲
娥立祠享而祈福

李氏字絡秀汝南人周顓母少時在室顓父浚爲安東將
軍時嘗出獵遇雨止絡秀之家會其父兄不在絡秀闕浚
至與一婢于內宰豬羊具數十人之饌甚精辦而不聞人
聲浚怪使覘之獨見一女子甚美浚因求爲妾其父兄不

許絡秀曰門戶殄瘁何惜一女若連姻貴族將來庶有大益矣父兄許之遂生顓及嵩謨而顓等既長絡秀謂之曰我屈節爲汝家作妾門戶計耳汝不與我家爲親親者吾亦何惜餘年顓等從命由此李氏遂得爲方雅之族中興時顓等並列顯位嘗冬至置酒絡秀舉觴賜三子曰吾本渡江託足無所不謂爾等並貴列吾目前吾復何憂嵩起曰恐不如導旨伯仁志大而才短名重而識闇好乘人之弊此非自全之道嵩性抗直亦不容于世惟阿奴碌碌當在阿母目下耳阿奴謨小字也後果如其言

李媿好彪女也幼而聰合彪每奇之教之書學讀誦經傳彪亡後世宗聞其名名爲媿好以禮迎引媿好在宮常教帝妹書誦授經史特加器愛公私坐集必自稱詠由是爲高祖所貴及彪亡後媿好果入掖庭後官咸師宗之世宗崩爲比邱尼通習經義法座講說諸僧嘆重之

氏姓譜

卷真

四紙

李氏

六

李貞孝女後魏時趙郡李叔亂之女也歸范陽盧元禮性至孝父卒號頓幾絕賴母崔氏慰勉之得全三年之中形骸銷瘦非人不起後其母崔氏訃至舉聲慟絕一宿乃蘇水漿不入口者六日其姑患之親送奔喪至則板櫬號踊遂爾頓絕後有可以狀聞詔追號貞孝女易其里孝德里樹李盧二門以淳風俗

李氏婦名紅拂隋陽越公之侍姬十八歲李藥師渡江時謁越公紅拂一見知是異人遂宵奔自薦以奉箕帚助策立功封夫人六衡山嘗題紅拂圖詩云把拂臨軒一笑通宵奔曾不異桑中却憐擾擾風塵際能識英雄李衛公李氏異李畬之母失其氏有淵識畬爲監察御史得廩米量之三斛而贏問于史曰御史米不槩也又問車庸有幾

曰御史不償也母怒救歸餘米償其庸因切責畚畚乃効
舍官自言狀諸御史聞之有慙色

李氏汴女年八歲父亡殯于堂十年朝夕臨奠及笄母欲
嫁之斷髮丐終養居母喪哀號過人自庀塋具州里送塋
千餘人廬于墓蓬頭跣而負土以完園塋蔣松數百武后
時按察使薛季昶表之詔樹表門閭

李氏堅貞節婦也年十七嫁為鄭廉妻未踰年廉死常布
衣蔬食夜忽夢男子求為妻初不許後數數夢之李自疑
容貌未衰醜所召也即截髮麻衣不薰飾垢面塵膚自是
不復夢刺史白大威欽其操號堅貞節婦表旌門閭名所
居曰節婦里

李孝女名妙法瀛州博野人安祿山亂被劫徙它州聞父
亡欲間道奔喪一子不忍去割其衣裾以行既至父已塋

氏姓譜

卷八

四紙

李氏

五

號踊請開父墓以視宗族不許復持刀刺心乃為開見棺
舌去塵以髮拭之結廬墓左手植松柏有異鳥至後母病
或不食飲女終日未嘗視匕箸及亡刺血書于母臂而塋
廬墓終身

李氏孀李衡妻也衡遣人于武陵龍陽洲作宅種甘橘于
樹臨死敕兒曰洲上有木奴千頭亦當足衣食耳母曰汝
父恒稱杜工部云此邦千樹橘不見比封君蓋言人患無
德義不患無富貴也

李氏婦某氏李湍妻也湍籍吳元濟軍元和中自拔歸烏
重亂妻為賊縛而嚮食之將死猶號湍曰善事烏僕射觀
者歎泣重亂請以其事屬史官詔可

李氏婦崔氏李廷節妻也乾符中廷節為郟城尉王仙芝
攻汝州廷節被執賊見崔姝美將妻之詎曰我士人妻死

亡有命奈何受賊汗賊怒刳其心食之

李氏婦盧氏美姿能屬文李拯妻也拯字昌時咸通末擢
進士累遷考功郎中黃巢亂避地平陽僖宗召為翰林學
士帝出賣雞陷于嗣襄王煚煚敗拯死盧伏尸哭王行瑜
兵逼之不從脅以刃斷一臂死

李氏京兆高陵人楊三安妻也舅姑亡三安又死子幼孤
窶書田夜紡凡三年塋舅姑及夫兄弟凡七喪遠近嗟涕

太宗聞而異之賜帛三百段遣州縣存問免其徭役

李氏秦州成紀人盧甫妻父瀾永泰初為斬合梁宋兵興
瀾諭降劇賊數千人刺史曹昇襲賊敗之賊疑瀾賣已執
瀾及其弟渤兄弟爭相代死李見父被執亦請代父遂皆
遇害宣慰使李季卿聞狀詔贈李孝昌縣君瀾渤並贈官
李氏姪馬氏李好義妻開禧間好義為興州正將蜀吳曦

氏姓譜 卷八

四紙 李氏 六

反好義誓死報國塵眾受甲與昆季及子姪拜訣于家廟
囑馬氏曰日出當自為計死生從此訣矣馬氏厲聲曰汝
為朝廷誅賊何以家為決不辱李氏門戶好義喜曰婦人
女子尚念朝廷不愛性命我輩當何如眾踴躍誅讎而還
李氏二女范傳正為宣歙觀察使訪李白子孫獲孫女二
人一為陳雲妻一為劉勸妻皆編戶氓也因召至郡廷相
見衣服村落形容村野而進退閒雅應對詳諦祖德如在
儒風宛然問其所以曰父伯禽不祿有兄一人出游不返
無桑以自蚕非不知機杼無田以自力非不知稼穡布裙
糲食何所仰給僮于農夫救死而已言訖淚下傳正告以
將改適他族二女曰夫婦之道命也亦分也在孤窮既失
身于下里仗威力乃求援于他族生縱偷安死何面目見
天父于地下乎

李氏蜀孟昶母也孟昶用王昭遠等主兵柄李氏謂昶曰吾昔見莊宗跨河與梁軍戰又見爾父在并州捍契丹定兩川當時主兵者非有功不授故士卒畏服今王昭遠出于斷養伊審徵韓保正趙崇韜皆膏梁乳臭素不習兵徒以舊恩置于人上一旦疆場有事安望禦大敵乎以吾觀之惟高彥儔太原舊人終不負汝其餘無足任者昶不能從及昶卒于宋追封楚王諡恭孝昶母不哭舉酒酌地曰汝不死社稷貪生以至今日吾所以忍死者以汝在耳今汝既死吾何生爲不食數日死藝祖聞而傷之

李氏臨汾張晟之妻也元末晟爲乾州學正卒時關中兵起道梗不能還子文瑗甫九歲李紡績度日兵稍息遂與子負骸骨歸壘守志不易永樂初詔旌其門

李氏桐鄉人年十八適高逾生子熊方期而逾亡家貧舅氏姓譜 卷八 四紙 李氏 七

姑相繼亡往依母居母諭之改圖輒勵絕母止不復強熊旣長娶曹無子爲立妾陸氏甫得子熊又亡曹與陸皆勵操事姑以撫其幼兩世三節

李氏家青齊間夫王凝五代時爲魏州司戶參軍卒于官李氏攜其幼子負骸骨以歸東過開封旅舍主人不許其宿牽其臂出之李氏慟曰吾爲婦人而此手爲人執邪卽引斧斷其臂事聞官爲賜藥封瘡厚恤之而笞其主人

李氏汴梁人丁尙賢妻也年二十餘有姿容元至正中賊至欲虜之李氏怒曰吾家六世義門安能從賊以辱身乎于是閤門三百餘口皆遇害

李氏元許州儒士李讓之女性聰慧頗涉經傳年十八未嫁至正中賊陷鈞州其父母憂曰此女必累我女聞之泣曰父母可自逃難勿以我爲憂須臾于後園自經

李氏項成人趙二妻二病劇謂李氏曰汝盛年無子吾死後不宜自守李氏泣曰夫死謂之未亡人若有異志他日何以相見于地下未幾遺腹生子長嘆曰妾不幸不得事夫今得撫孤成立不墜趙祀幸矣事聞旌表其門

李氏光澤上官成一之妻也至正末賊起陷光澤邑民依烏君山之玉隆宮以居賊眾乘機入山剽掠李被執縛驅迫以前行經石崖其懸石數百尺李力曳繩與賊眾俱投崖下而死

李氏晉江人適里人尤惠後姑虐甚李孝養委順其意竟爲姑所愛惠早卒男女俱在攜李經營壘事矢志不二鄉里以其事白于有司奏報旌其居曰孝節

李氏名智貞蒲城人七歲能讀書九歲母病調護甚謹及卒哀痛欲絕治女工供祭祀及奉父甘旨不乏父嘗許爲

氏姓譜

卷八

四紙

李氏

六

鄭金妻邵武豪陳良強納采智貞斷髮拒之且數自求死良不能奪卒歸金泰定間金病沒智貞悲泣不食數日死李氏上蔡人吳景和妻景和疾李每夜頓顙北辰願以身代吳竟卒哀毀踰禮家雖艱窘極力殮葬遺腹生子李呼天矢曰不幸夫逝今幸有子吳氏宗祀可托矣守節不移且事舅姑以孝事聞旌表

李氏任高妻名瑞姑留姑四川溫江縣高以歲薦授天門司訓攜李氏並二女在任隆慶王申遷萬載教諭由小河禾出境夜半賊眾持刀入舟執李氏二女將汚之長女絕裾投水次女罵賊被殺李氏亦投水死越三日屍浮水面交結若挽面色如生俱葬天門有三烈墓

李氏梁允珩妻氏年二十七守節至老年諸媳有過立杖之年九十七呼子孫數十人齊集訓諭曰我守節七十年

始終如一今且厭世矣可熱潔身以行浴畢命倚坐而逝
人以是異之

李氏名榮壽昌人童敦妻也年二十四而敦亡營敦塋所
李來結纊于旁喪終父奪其志李知勢不可遏又慮自死
遺禍舅姑家乃囑舅姑以後事泣拜而歸自經死舅姑爲
送衣食及棺至遂昇塋于敦之傍

李氏顯忠族妹顯忠南歸家屬悉遇害李氏國色也金人
欲私之不從乃縛于樹下命左右射其臍遂罵賊而死

李氏女京山人年十五許字祝姓未適婿卒父母欲奪其
志佯許治孝服同母往拜婿柩一慟幾絕遂不歸與姑同
寢紡績以供饗殮丙子流賊至不屈死

李氏名奚子東平太守李忠祖母也以陰德爲事大雪寒
凍露積稻穀于園庭悉禽鳥飢死用心如此今得道居華
氏姓譜 卷真 四紙 李氏 充

陽洞宮爲明晨侍郎

李氏母李光弼光進之母也母有鬚數十長五寸許封魏
國太夫人二子節制皆一品死塋長安南原將相奠祭凡
四十四幄時以爲榮

李氏王之才妻李公擇之妹也山谷呼之爲姨母能臨竹
石等畫山谷題曰小竹扶疎大竹枯筆端真有造化爐

李氏李黨學女也聰明穎悟適巴長卿家徒四壁處之怡
然姊妹有適鄒姓者常笑之李作詩曰誰道巴家窘巴家
十倍鄒池中羅水馬庭下列蝸牛燕麥分無數榆錢散不
收夜來添驟富新月掛銀鉤

李氏韓楚言之妻楚言軍敗妻語之曰君常辱成汭軍敗
且妾解不如死楚言不決李礪刀席下方共食復語之夫
曰未可知李取刀斷其首並殺三子乃自刎成汭畏其烈

以禮葬之刻石表曰烈女

李氏暉陽開府龍峯公孫女適王王業任葉縣縣丞卒于任氏聞夫故晝夜號哭夫柩甫至卽欲同死諸姑慰之曰爾夫無男女終當守服滿日死未晚也氏善屬文尤長于詩從竝不操筆硯將烈女傳數四評斷形毀骨立麻衣不濯三年服終始嬪其夫旣葬歸家自縊于寢次

李氏五臺縣人陽白村郝文郁妻年十九而嫁二十一而孀生子居祥未朞月父母憫其早寡欲嫁之氏曰妾聞仁者不以盛衰改節義者不以存亡易心禽獸之行吾不爲也居祥性穎悟讀書不仕母疾行不納履衣不解帶湯藥親嘗母死伏棺幾滅性鄉人曰其母節其子孝可以傳矣李氏字冬兒襄城丁從信妻也年二十三夫歿服闋父母呼歸問之曰女年少居孀又無子猶以自立吾當爲汝再擇婿冬兒不從乃詣從信家欲縊墓樹土家人防之不果日暮還家夜二鼓更新衣自經死

氏姓譜

卷八

四紙

李氏

七

李氏名哥灞州伎家女也年十三母教之歌舞哥泣曰女率有紅鬃我獨爲此乎母告以倡業不可廢哥曰若此聽母母亦當從我好自是不粉澤茹葷所歌多道情仙曲有名者必詢主客姓名乃往人亦預戒無戲狎孟津監縣賂哥母夜抵舍哥懷利刃閉臥內曰汝職風化首而狗彘行恐血汚吾刃也監慙去明日知州聞之曰此間有貞女不知吾過矣吾子明經舉秀才真若配以禮娶之未幾紅巾入寇夫婦皆見執覘哥美將殺其夫哥前抱夫頸大呼曰吾斷不斯須求活寇並殺之

李氏武陵人余釗妻釗死長子大任方一歲次子大川甫一月父母屢欲奪其志李立三說以示不變一曰爲人子

當盡孝二曰爲人臣當盡忠三曰爲人婦當盡節卒不可強舅思聰患雙盲姑潘氏老病朝夕侍湯藥不少懈嘉定間詔封孺人後二子皆貴

李氏南昌人胡闕七妻夫卒送葬扶靈歸有聚而觀之者問曰彼觀者何侍者曰阿叔已許爾嫁李曰烈婦無二夫吾矢必死矣乃痛哭于夫靈前付孤于叔自投水死

李氏字妙惠揚州人適南昌士人盧身穿穿下禮闈第讀書西山寺中絕音耗成化間有同名者死京師鄉人誤傳父母憐其貧寡強之嫁于江西鹽商謝啟至則操節求死啟不能犯一日啟發舟歸過金山寺下李題七律詩一首在壁廬後登第至家則空室矣偶遊金山見其詩知在謝所接至公館歡會如初

李氏豐城人年十八歸經歷高枝枝卒于京號泣幾絕不

氏姓譜

卷八

四紙

李氏

七

食七日辛甦姑慰之曰與死事孰與撫孤家貧紡績自給訓孤遊庠迄老如初邑罹火比鄰環燒獨存其室咸謂天憫苦節有司上其事詔旌其廬曰貞節

李氏豐城人黃栗妻也年二十二而寡守節養姑姑目盲李朝夕祝天躬爲洗拭遂復明里人歎爲孝感

李孝女南昌進士李綦隆之女七歲能識字偶讀觀音大士傳遂持長齋誓不字母亡哀毀值母誕辰一慟幾絕是夕跌坐誦佛而逝御史葉成章以事聞特旌

李氏名中姑桂廷鳳妻姑鄧患痰疾將不起婦隕泣憂悼聞有言乳肉可療者心識之一日煮藥蒸香禱竈神因自割一乳昏仆于地氣已絕廷鳳呼藥不至出視見流血滿地大驚呼救傾駭城市邑長佐皆詣其廬命急治俄有僧踵門曰以室中斬艾傳之卽愈如其言果甦比求僧不復

見矣乃取乳和藥奉姑姑竟獲全

李氏安福人劉次六妻年二十歸劉二年次六卒李曰翁姑早世子女無傳吾惟隨夫地下耳喪事稍畢遂自縊死李氏樂安人曾延伯妻夫死撫孤守節父母欲奪其志弗從六月六日折杏一枝插堦下祝曰婦節與杏爲榮枯越且杏益華茂李秉節愈嚴子鑑登第婦年及百齡有司建坊旌表及後樹猶茂衆稱爲靈杏云

李氏崇仁李時中女許聘謝萇九後萇九出商及笄謝氏娶歸待其返踰五載萇九貽書令改適李涕泣誓無他志歸父家恒以一馬一鞍自歎後父私有所許李聞自縊死李氏崇仁人羅沐人妻生一子沐入外商覆舟死訃至日女悲泣撫其子至三歲曰吾可託矣遂付孤舅姑投井死李氏名秀宜黃人也吳蓋入妻年二十二嘉靖間夫死于氏姓譜

卷八

四紙

李氏

七

寇李被擄以行忿罵卧地齧舌噴血寇面死于亂刃下詔旌表之鄉人爲建祠

李氏東鄉人何璇妻璇客死李有殊色父迫之嫁遂以簪入耳內手自奉之至沒復拔出血濺如注姑覺呼家人救則已死矣

李氏宜黃人曾閻妻夫死守節治家勤儉翁八十餘養無違禮至元壬午葫蘆峒寇猝至翁遇害李奔窖中賊伺知之擲服飾甘言引之出李大罵曰汝賊也豈從汝吾翁已死何以生爲以手束髮受刃而死祀節婦祠

李氏廣昌人黃華妻正德辛未流寇破縣李出亡于牛鼻嘴賊執欲辱之罵曰我儒家婦不幸被汝執欲殺卽殺豈從汝邪復持其子刼之亦不顧仆地求死賊遂刃之邑令梁榮作哀詞遣祭于其墳

李氏廣昌人何永孚妻孀時年十四越二年孚卒李弛容釋妝每于柩前設一木椀坐而哭椀爲之剝姑病朝夕祝告請以身代旣沒哭曰吾所以不死者姑在也姑旣逝吾何生爲哀慟嘔血不匝月而死

李氏女名貴姑南豐李惟廣長女幼讀小學孝經能通大義正德六年辛未賊至逼貴奮罵不從被磔死祀節婦祠李氏廣昌人黃佐妻孀于黃孝敬舅姑佐遭疾李侍湯藥禱神剖股竭力救治卒哀毀瀕死越二旬自經于寢

李氏弋陽李九洲女適貴溪邱銳年十八銳歿誓志守節攜從子鴻育母家時父亦無嗣乃爲父求後會有謀奪父產者嫉之李挾一子一婢持刀自衛竟得立父後年八十李氏鉛山人胡夔泰妻夔泰仕欲殉國難與李訣曰見我玉戒指至卽爾歸期也後使持玉戒指至李卽飲藥卽牀

民姓譜

卷百六

四紙

李氏

七三

呼諸子囑以後事子婦驚駭痛哭羅拜牀下捧藥求解李曰汝父原約三日相會今已七日望我久矣莫我阻遂殞李氏番禺人陳諫妻也諫嘉靖十一年進士爲太平推官兩月卒其弟扶櫬歸李曰吾少孀也豈可與叔萬里同歸哉遂不食死

李氏邵陽安尙起妻尙起商河南病亡氏聞訃盡變產完夫債且置棺以待夫櫬歸跪告族黨曰煩舉二棺入地閉戶將自縊鄰婦欲止之排闥曰爾尙有所逋何遽死氏啟門應曰然吾資已盡奈何請復待一日乃紉履一雙往昇之曰得此足償矣歸家遂縊死

李氏壽昌人年十三受翁應兆聘應兆暴卒女盡取備嫁衣飾焚之以身赴火爲父母救止乃赴翁家哀告舅姑乞立嗣復乞一小樓設夫位坐卧于旁奠食相對非姑不接

面舅亡家落忍飢紡績以養姑未幾姑亦亡鄰火大起夜半達旦延百餘家鄰婦趨上樓勸之避婦曰此正我授命時也抱夫木主待焚須臾四面皆燼小樓獨存

李烈婦餘姚吳江妻年二十夫與舅俱卒家酷貧婦紡績養姑已恒凍餒有黃某者謀娶之賄夫族某使餌其姑未卽從某乃陰與黃及父家約詭稱其母暴病肩輿來迎婦倉卒升輿旣及門非父家也姑亦尋至布几席速使成禮婦佯曰所以不欲嫁者爲姑老無依耳姑旣許復何言然妾自夫沒未嘗解帶今願一洗沐又聞聘金幾何姑以數對曰亟懷之去姑在我卽從人殊赧顏也衆喜促姑行爲具湯湯至从不出闕戶視之則縊死矣

王氏王寵麟繼妻寵麟仕知府卒氏年二十餘哭泣不食經四十日疾革知族人利其資必以惡語傾前妻子預戒

氏姓譜

卷百六

四紙

李氏

七四

家人置已棺中勿封殮衆果蝟集謀孤殺母氏從棺中言已知汝輩計必出此也衆大慙而去然後瞑

李氏高陵人鎮撫劉光燦妻夫沒勵志苦守崇禎四年賊陷高陵年七十九其家掖之走曰未亡人棄先夫室何往語未已賊露刃入卽取刃自刺流血淋漓賊壯其烈與飲食怒不受以盃擊賊罵曰吾忍死四十九年今啜賊食邪遂遇害

李氏與陳氏皆黃日芳妾日芳知霍邱縣崇正八年齋計簿入郡流賊突至圍城二人相謂曰主君未還城必不守我兩人獨有一死耳密縫內外衣甚固城陷南望再拜攜赴藏天澗死越三日日芳至號哭澗側兩屍應聲浮出顏色如生手尙相援

李氏蕲水人諸生何之旦妻流賊至蕲執而逼之去不從

則衆挾之李罵益厲齧賊求死賊怒刺之創偏體未嘗有懼色賊斷其頸死從婢阿來抱李幼女守哭賊奪女將殺之不與伏地以身庇之刺數十創婢女俱死

李二氏雞澤人一同邑田蘊壘妻遇亂蘊壘兄弟被殺李抱女同姒王抱男而逃王足創難行令李速去李曰良人兄弟俱死當存此子以留田氏後遂棄已女抱其子赴城得無恙一嫁曲周郭某遭亂舉家走匿翁姑旋被殺李攜幼男及夫弟方七歲者共逃力罷不能俱全或教之舍叔而抱男李曰翁姑死矣叔豈得再乎子雖難捨然吾夫在外或未死尚可期也竟棄男負叔而走

李氏定州人廣平教授元薦女歸同里郝生崇正十六年州被兵生將奉親避山中留李與二子居其母家生控馬將發李哭拜馬前指庭中井訣曰若有變卽潔身此中以

氏姓譜

八卷百六

四紙

李氏

七五

衣袂爲識旁有白線一行者卽我也比城破藏二子他所入井死兵退生出其屍顏色如生

李氏名妙容岑溪縣人年二十適舉人羅章章赴南官卒于途李哀慟頻死姑耄事之曲謹里人嚴定求伉儷李大憲服毒幾絕族人力救乃免

李氏李琛女適歸順州土官子岑瑤瑤爲其弟所殺李氏年二十七復于父母家父母強之改適不聽李氏婢四五十人馭之甚嚴晝夜常鎖外戶不使與男僕相見夜明燈坐中堂羣婢環之紡績至雞鳴乃鎖門而寢晚年操益嚴李氏蕭相妻相登萬歷己卯鄉薦任貴州司李卒于官訃聞李氏誓不獨生引刀自刎幸而救免時年二十有五事聞建坊表其門曰冰霜節烈孀居五十餘年壽七十有七御史呂圖南贈以扁曰完節天留

李氏名三完桂陽庠生李九陽女也父爲媒氏所誑許配非類因憤成疾三完勸父曰父可自保毋庸爲兒慮父卒彼張樂迎娶三完謂母曰良賤爲婚狗彘不若有死而已因自縊知縣紀法立申于當道表其閭

李氏長沙人周冲元妻也獻賊躡長沙李匿深室聞夫被執驚號請代夫死賊駢繫至土門橋氏哀請釋夫乃縱冲元去氏罵賊死

李氏武陵人項大模妻年二十一適模甫六月模病故上無翁姑下鮮叔伯遺腹生子應昌啣哀鞠育遭寇亂攜孤匿山中辛苦百端卒教子成立明季常德衛指揮使給扁額旌獎之

李氏秉陽人鄭國用妻國用早卒盡以貲產僮僕分給家族自留一婢炊汲苦節終身崇正中知縣章一焯扁旌之

氏姓譜

卷百六

四紙

李氏

六

李氏吳朝珮妻事舅姑盡孝夜夢神告以某家將火明日火至族衆爭救財物氏獨抱祖先神主出庭而泣及燼餘則衆所救者半氏物也人以爲誠孝所致

李氏蕭山徐黼繼室也黼在晉江學訓導妻亡就彼娶李指揮女未幾黼卒于官李年十九父憐其少戒勿隨行不從百計懇留之乃求自盡父母縱之扶櫬歸塋毀容荆布訓子成立苦節至老不怠事閭旌表其門

李氏歙縣人年十九歸潛口汪應元爲繼室應元病瘵三歲李奉湯藥謹事之疾殆應元謂李曰若年少我死其奈若何李應曰君故有息子足以奉烝嘗君在與在君亡與亡無二心也應元伏枕頓首曰幸甚李于是歸辭父母母治具飲食之李特飯一盃終不舉箸旣而告母狀母爭之強李拂衣就輿不反顧歸則脫簪珥授二子歸部署中外

財產名二子悉分之無何應元死歛畢李哭之盡哀尋閉門自經覺者啟戶入賴不死父至泣曰汪郎家故饒若依子婦白首稱未亡人宜無不可何死爲李佯應曰諾日暮遣守衛人出就食戒女奴曰第鑰戶我困甚幸將少休食頃溢卧內死年二十二

李氏與邑羅峪溝村李君璵之姑適呂姓君璵父巨富而君璵驕縱蕩其產幾盡父將死密出二千金付其姑曰子不肖後當死溝中汝持此去子改行付之不取則與甥毋爲他人所誘蕩也姑泣而受之密藏于近村樹下不令其夫與子知璵父死數年益落魄姑數賙之後乃佯數之曰若巨富不守分至此乃數數累我寧不愧悔邪璵曰誠悔何及姑曰未也再富仍蹈前轍耳數月璵窘甚復懇姑姑曰設再富當能自守否璵拜誓姑見其意誠乃曰隨我來

氏姓譜

卷百六

四紙

李氏

七

至樹下掘得金璵愕曰此何也姑曰此爾父終時所囑濟汝命者也璵感泣獻其半姑曰此無一人知我欲有之則全有矣奚以半矣亟持去璵歸自刻厲復致富姑死爲成服鄉里咸頌之

李氏鄞人歸邑人王袖袖卒氏年二十一遺孕三月家徒壁立後生子鼎襁褓紡績足跡不踰戶外年六十八而卒崇正二年孫守綱爲臬司椽上其事于廉使黃旌表其門題曰節標冰玉

李氏會昌人汪國奇妻也年二十四夫亡家貧無子有富兒謀娶不從姑諭之曰守節固美奈二老在溝中瘠何李乃應命往富兒家三日夜不解衣帶得間自溢死

氏姓譜卷百六終

